

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Inatsisissatut siunnersuummut matumunnga maannakkut inuiaqatigiit ineriartornerannut inatsimmik naleqqussaanissaq ilaatigut siunertaavoq. Inatsimmi atuuttumi aalajangersakkat ilaat ersarissarneqassapput, meeqqanut ilaqutariinnullu sullissivinnik ilaqutariillu illutaannik pilersitsinissamut aqutsinissamullu inatsimmik tunngavissaq ilanngunneqarpoq kiisalu meeqqat pillugit sulianik suliarinnittarnernik digitaliseriinnermut tunngavissaq ilanngunneqarluni.

Aalajangersakkanik arlaqartunik ersarissaanerit siunnersuummi ilaapput.

Kommunalbestyrelsip atuuffianik kommunalbestyrelsillu ulloq unnuarlu paaqqinnittarfimmu inissiisoqarnissaanut aalajangiisimatillugu meeqqap utaqqiisaagallartumik inissisimaffigisassaani nassaarnissamut pisussaataaaffianik ersarissaaneq matumani ilaatigut eqqaaneqarsinnaavoq. Kommunalbestyrelse aalajangiisimatillugu Isumaginninnermut Aqutsisoqarfiup meeqqap inissisimaffissaani ingerlaannartumik neqeroorsinnaatinnagu tamanna atuuppoq. Taamaattorli Isumaginninnermut Aqutsisoqarfik inissisimaffissamik naleqquttumik nassaarnissamut suli pisussaataaavoq.

Illoqarfinni annerni 16-ini ilaqutariinnut sullissivinnik pilersitsisoqarpoq ilaqutariinnullu atugarliortunik ikiuinnermik suliamik annertuumik kivitseqataallutik. Ilaqutariinnut sullissivik neqeroorutini ingerlatanillu amerlasuunik assersuutigalugu ilaqutariinnik katsorsaanernik, siunnersuinnermik, ikiuigasuarnermik, katsorsaanernik, ilaqutariinnullu isumasioqatigiissitsinernik neqerooruteqarpoq. Sumiiffinni arlaqartuni ilaqutariinnut sullissivik sumiiffigisami kisiat neqeroorutaavoq.

Meeqqanut inuusuttunullu suliassaqarfimmi kommunit sulianik suliarinnittarnerannut kivitsinissaq Naalakkersuisunit sivisuumik tunngaviusumik qitiutinneqarsimavoq. Periutsit ilagaat suliamik suliarinnittarnernik tapersersuineq digitaliseriinnerlu, ilaatigullu nuna tamakkerlugu suliat suliarineqarnissaannut eqqortunik sakkussaqarnissaq. 2021-2023-mi kommunit tamarnik sulianik suliarinnittarnermut aaqjissuussamut "Get Organized"-imut saqqummiivigineqarput, tassani meeqqat inuusuttullu pillugit sulianik suliarinnittarnermut meeqqanut app-imik ineriartortitsisoqarsimavoq. Meeqqanut app-eq Isumaginninnermut Aqutsisoqarfiup, kommunit Pisortallu ataatsimoorussamik IT-ata akornanni suleqatigiinnikkut ineriartortinneqarpoq. Meeqqanut app-imut atatillugu digitalikkut ilitersuisarneq pillugu pilersaarut Gluu ineriartortinneqarsimavoq, taanna suliap suliarineqarnerata nalaani suliamik suliagarnerup ingerlanerani nassuiaanikkut sulianik suliarinnittartumut ikiuutaavoq.

Isumaginninnermut Aqutsisoqarfik sulianik suliarinnittarnermut aaqqissuussamut pikkorissartitsinernik ingerlatsisimavoq. Sulianik suliarinnittarnermut aaqqissuussaq kommuninut tamanut assigiiaarmat, ilaqutariit nutseraangata meeqqalluunniit kommuninut allanut inissinneqaraangata sulianik avitseqateqarnissamut kommuninut ajornannginnerulissaaq. Tamatuma saniatiguttaaq ilaatigut Inatsisartut Ombudsmandianut, Isumaginninnermi Naammagittaalliuuteqartarfimmut, Meeqqat Illersuisuannut Naalakkersuisullu nakkutilliiartortartuinut piimasaattut paasissutissanik pissarsisarnissaannut ajornannginnerulissaaq.

Kommunit sulianik suliarinnittarnermut aaqqissuussamik ataatsimoorussamik atuiinnarnissaat qulakkeerniarlugu pisortani IT-kkut ataatsimoorussamik aaqqissuussamik atuisoqarnissaanik kommuninik pisussaaffiliisumik aalajangersakkamik ilanngussisoqarpoq.

Kisitsisitigut naatsorsueqqissaarneq pillugu aalajangersakkamik pilersitsisoqarpoq, tassani Naalakkersuisut piimasarisaattut, kisitsisitigut paasissutissanik nassiussinissamut kommunit pisussaaffilerneqarput.

2. Siunnersuummi immikkoortut pingaarnertit

1. Kommunalbestyrelse pissutsinik meeqqat inuunermi atugaannik nakkutilliisuussaaq, taakkununga ilaallutik meeqqat allanut inissitat pillugit inunnik ataasiakkaanik nakkutilliineq aamma kommunimi ingerlatsinermut sammisumik angajoqqaarsianik nakkutilliineq. Inatsisit allanngortinnissaannut siunnersuutikkut matumuuna kommunalbestyrelse aamma pisussaaffeqalissaaq kommunemi meeqqanut ilaqutariinnullu sullissiviit aamma ilaqutariinnut illut aamma ineqarfiit, meeqqat illuunik qimarnuinnillu meeqqat illuinnut aamma ilaqutariinnut sullissivinnut atassutilinnik pilersitanik allaffissornikkut ingerlanneqarnissaasa nakkutiginnissaannut.

2. Aalajangersakkami atuuttumi § 14-imik erseqqissaaneq Isumaginninnermut Aqutsisoqarfik kommunini sulianik suliarinnittarnermik qanoq isumaginnissinnaatiginersaq imaluunniit kommunini sulianik suliarinnittarnermi taamaallaat ikiuuttassanersaq pillugu nalornisitsilersimavoq.

Isumaginninnermi sulianik misissuineq, takuuk § 45, ikiorsiinissamik suliniuteqarnerit, takuuk kapitali 7, ikiorsiinissamik suliniuteqarnerit immikkut ittut, takuuk kapitali 8, ikiorsiinissamik suliniuteqarnerit sukannernerit, takuuk kapitali 9 aamma ikiorsiinissamik suliniuteqarnermik suliniuteqarnerullu kingorna malitseqartitsinermik unitsitsineq, takuuk kapitali 11, taakkununga tunngatillugu sulianik suliarinnittarnermi kommunimi inunnik isumaginnittoqarfiup immaqa suliatigut piginnaasaqannginneranut § 14-imut tunuliaqutaavoq taamaattumillu sulianik suliarinnittarnermi suliatigut Isumaginninnermut Aqutsisoqarfiup ikiuisinnaanissaa pisariaqarpoq. Aammattaaq suliat meeqqanut tunngasut aalajangersimasut annertuumik pisariusinnaapput, tassani ilitsersuinermik, siunnersuinermik suliallu tungaatigut siunnersuinermik sulianik suliarinnittarnermi Isumaginninnermut Aqutsisoqarfiup ikiuinissaa

pillugu noqqaaffiginissaanut taamaammat § 14-imi inatsisitigut tunngaveqarpoq. Kommunini sulianik suliarinnittarnermut akisussaaffik tassaniiginnarpoq.

3. Meeqqat tapersorsorneqarnissaannut Inatsisartut Inatsisaanni § 18-imi allassimavoq Naalackersuisut nunamut tamarmut atuuttumik nalunaarutiginninnermik tamanik isigiffiusinnaasumik nalunaarutiginninnermut aaqqissuussamik periaasiliussasoq. Sulianik ingerlatsinermit aaqqissusaaq nunamut tamarmut atuuttoq Get Organized paasissutissanik nalunaarutiginninnermut attuumassuteqartunik imaqarpoq. Inatsisit allangortinnissaannut siunnersuutikkut matumuuna siunnersuutigineqarpoq § 55 b-mi ilanngunneqassasoq allaffissornikkut ingerlanneqarnissaanut pisortani IT-kkut aaqqissuussamik atuissasut aamma § 60 a-mi Kommunalbestyrelse kisitsisitigut paasissutissanik assigisaannillu, Naalackersuisut piumasarisannik, nassiusinissamik pisussaaffeqartoq. Aalajangersakkat taakku eqqunnerisigut nalunaarutiginninnermut aaqqissuussinermit siunertaq naammassineqassaaq. IT-kkut aaqqissuussinerit assigiinngitsut marluk assigiimmik siunertallit pilersinneqarnissaat pinngitsoortinniarlugu siunnersuutigineqarpoq § 18 atorunnaassasoq.

4. Aalajangersakkani tullinnguuttuni kalaallisoortaasa qallunaatoortaasalu akornanni naapertuutilersinnissaat qulakkeerneqarniassammat oqaatsitigut iluarsinerit:

- a. § 21, imm. 4, nr. 1,
- b. § 32, imm. 2,
- c. § 36, imm. 1,
- d. § 39, imm. 6, aamma

Aalajangersakkami atuuttumi allassimasutuulli § 53-muunngitsoq § 54-imut aalajangersakkami innersuussisoqarniassammat § 41, imm. 2-mi innersuussummi iluarsiiisoqarpoq.

5. Meeqqat tapersorsorneqarnissaannut Inatsisartut Inatsisaanni § 21-imi tapersersuinnermik suliniutigineqartut pillugit kommunalbestyrelset malittarisassaliuunneqarput, taakkununga ilaallutik sulianik ingerlatsinermit qanoq alloriartoqassanersoq aamma tapersersuinnermit suliniutit suut neqeroorutigineqassanersut. Inatsisit allangortinnissaannut siunnersuutikkut matumuuna aamma periarfissiisoqarpoq kommunalbestyrelse innuttasumik misissuisinnaassasoq kommunep meeqqanut ilaqutariinnullu saaffiginnittarfianut suliassanngortinniarlugu.

6. Meeqqat tapersorsorneqarnissaannut Inatsisartut Inatsisaanni atuuttumi meeqqap tikeraarnissaanut pisinnaatitaaffik meeqqamut eqqartuussinerup imaluunniit eqqartuussiviup aalajangiinerata kingunerisaanik ulloq unnuarlu paaqqinniffimmut inissinneqarsimasumut atuutinngilaq. Meeqqat eqqartuussineq imaluunniit tamanna pillugu eqqartuussiviup aalajangiinerata kingunerisaanik ulloq unnuarlu paaqqinniffimmut inissitat aamma angajoqqaaminnik imaluunniit inunnik isumassuisunik allanik attaveqarnissaminnut pisariaqartitsippat. Inatsisit allangortinnissaannut siunnersuutikkut matumuuna

angajoqqaatut akisussaannermik pigisaqartup meeqqamut eqqartuussinerup imaluunniit eqqartuussiviup aalajangiinerata kingunerisaanik ulloq unnuarlu paaqqinniffimmut inissitamut tikeraarnissaa ammaanearpoq. Meeraq aninissamut akuersissuteqarnissaq pillugu malittarisassanik il.il. atugaqarmat tikeraarnissaq akuersissutigineqassaaq angajoqqaat meerartik ulloq unnuarlu paaqqinniffimmut tikeraarsinnaalerlugu.

7. Ulloq unnuarlu paaqqinniffinni pisariaqartumik naammattunik inissaqarnissamut Naalakkersuisut akisussaasuupput. Pissutsini atuuttuni pisariaqalersillugu meeqqap toqqaannartumik ulloq unnuarlu paaqqinniffimmut tamatigut inissinneqarnissaa qularnaveeqquserneqarsinnaanngilaq. Inatsisit allanngortinnissaannut siunnersuutikkut matumuuna erseqqissarneqarpoq meeraq kommunep akisussaaffigigaa, aamma taamaattumik kommunalbestyrelse meeqqamut qitiusumik aaqqissuussamit naliliiffigineqarsimasumut ulloq unnuarlu paaqqinniffimmi inissaqalernissami tungaanut utaqqiisaasumik inissiivissamik pissarsinissamut akisussaasuusooq.

8. Meeqqat tapersorneqarnissaannut Inatsisartut Inatsisaat atuuttoq naapertorlugu ulloq unnuarlu paaqqinniffiit tamarmik Naalakkersuisunit akuerineqartassapput aamma ingerlatsineq pillugu Naalakkersuisut isumaqatigiissuteqarfigineqassapput. Sulisaatsimi paasinarsisimavoq ingerlatsineq pillugu isumaqatigiissuteqarneq akuerisaanissamut piunasaqaatinut atatillugu nammineerluni pingaaruteqanngitsoq. Taamaattumik Inatsisit allanngortinnissaannut siunnersuutikkut matumuuna ingerlatsineq pillugu ulloq unnuarlu paaqqinniffiit Naalakkersuisullu akornanni isumaqatigiissuteqarnissamut piunasaqaat peerneqarpoq.

9. Meeqqat tapersorneqarnissaannut Inatsisartut Inatsisaanni § 44, imm. 2-mi meeqqat angajoqqaatut oqartussaassuseqartunit akuerisaanngitsumik angerlarsimaffiup avataanut inissinneqartut meeqqanut illersuisoqartassapput. Akuersissutaasumik imaluunniit akuersissutaanngitsumik inissiisoqarsimappat meeqqap piunasaq atuutissaaq. Inatsisit allanngortinnissaannut siunnersuutikkut matumuuna meeqqanut illersuisoqarnissaq ima annertusisinneqassaaq meeqqat angerlarsimaffiup avataanut angajoqqaatut oqartussaassuseqartup akuersineratigut inissinneqartut illersuisoqarnissamik neqeroorfigineqartassammata. Kommuninut ajornakusoorsinnaavoq inissiinerni tamani meeqqat illersuisoqarnissaannik piunasaqaat eqqortissallugu. Taamaattumik aalajangiinissamut siunnersuutigineqartumi taamaallaat neqerooruteqarneq pineqarpoq, meeraq itigartisisinnaalerluni taamaattumillu kommuninut piunasaqaat oqinnerulersinnaalluni.

10. Kommunini tamani meeqqanut ilaqutariinnullu sullissivinnik pilersitsinissamut pisussaaffeqarneq pillugu aalajangersakkamik eqqussisoqarnissaa siunnersuutigineqarpoq. Najugaqarfinni 1000-t sinnerlugit inulinni meeqqanut ilaqutariinnullu sullisiveqanngitsuni ilaqutariit illuinik pilersitsisoqassaaq. Najugaqarfinni 1000-t ataallugit inulinni ilaqutariit illuinik pilersitsinissamut periarfissaqartoqarpoq. Meeqqanut ilaqutariinnullu sullissiviit

inatsimmi maannamut ilaatinneqanngillat. Meeqqanut ilaqutariinnullu sullissiviit pillugit maleruagassiortoqarnissaa *Angajoqqaat meeqqanik sumiginnaasarnerat akiorniarlugu Nuna tamakkerlugu iliuusissatut pilersaarut 2020-2030-mi* kiisalu *Kalaallit Nunaanni meeqqanut inuusuttunullu atugarliortunut pitsaanerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq, 2020-2023-mi* siunniunneqarpoq. Inatsisissatut siunnersuummi matumani aalajangersakkamik tunngavigisassamik siunnersuuteqartoqarpoq, taamaasilluni nalunaarummik sukumiinerusunik malittarisassartalimmik suliaqartoqarsinnaaniassammat.

Ilaqutariinnut sullissiviit pioreersut meeqqanut ilaqutariinnullu sullissivittut naligiissinneqassapput.

Innuttaasunut ataqatigiissut qulakkeerniarlugu siunnersuutigineqarpoq najugaqarfiit, meeqqat illui kiisalu qimarnguiit meeqqanut ilaqutariinnullu sullissivinnut atassuserneqarsinnaasut. Ullumikkut illoqarfiit ilaanni meeqqanut ilaqutariinnullu sullissivinnut taamaallaat najugaqarfeqartoqarpoq, kisiannili ilaqutariit atugarliortut sullinneqartillutik meeqqanut ilaqutariinnullu sullissiviit amerlasuut massuminnga neqeroorfigineqartarnissaannik pisariaqartitsisoqarsinnaavoq. Meeqqat illui pilersaarutaapput 2022-2024-mi illoqarfanni pingasuni ukunani ingerlanneqartussat: Maniitsoq, Ilulissat aamma Tasiilaq. Pilersaarummit matumani misilittakkanik pissarsisoqareerpat meeqqanut ilaqutariinnullu sullissivinnut atatillugu illoqarfanni amerlanerusuni meeqqat illuunik pilersitsinissamut kommunit kissaateqarsinnaanerannut tunngavissiisinnaavoq. Ullumikkut illoqarfiit ilaanni qimarngueqarpoq, pisariaqartitsinerli annertuvoq. Qimarnguiit pillugit inatsit qimarnguiik imminut pigisuuneranik tunngaveqarpoq, tassani qimarnguiup arnanut ilaatigut meeralinnut nakuuserfigineqarsimasunut illersuinissaq pingaarnertut siunertarineqarpoq. Taamaattorli pisortaniit ingerlanneqartunit nuna tamakkerlugu qimarnguinnik katsorsaaviutigisunik kiisalu kommunimit ingerlanneqartumit illersuinissamiit annertunerusumik neqerooruteqartumik qimarnguimmik pilersitsisoqareerpoq. Tassa imaappoq siunnersuinissamik, oqaloqatiginninnissamik allanillu neqeroortoqassaaq. Arnat nakuuserfigineqarunnaarnissaannik annertunerusumik tapersersuisumik qimarnguiit arnanut neqerooruteqarnissaat *Angajoqqaat meeqqanik sumiginnaasarnerat akiorniarlugu Nuna tamakkerlugu iliuusissatut pilersaarut 2020-2030-mi* innersuussutigineqarpoq.

11. Kalaallit danskillu oqartussaasoqarfiisa assigiinngitsunik suliallit akornanni suleqatigiinnerannut tunngatillugu meeqqat pillugit sulianik suliaqartarnermut IT-kkut ataatsimoorussamik aaqqissuussamik pilersitsinissamut suliniummik pilersitsisoqarpoq. Nunatta karsiata tamanna aningaasaliiffigaa, taanna kommunini tamani atuutilersinneqareerpoq. Meeqqat pillugit sulianik suliarinnittarnerit tamaasa siunissami digitalisererneqartassammata IT-kkut ataatsimoorussamik aaqqissuussamik atuinermik nalimmassaanissaq siunnersuutigineqarpoq. Tamatumunnga ajunngitsorsiassaqarpoq, tassani kommunit ingerlatsiviini meeqqanut suliaqarfinni sulisut tamarmik IT-kkut aaqqissuussamik atuillutik assigiinnerusumik suliamik suliarinnittarnissaannik kiisalu

naatsorsuutigineqartumit sukkanerusumik suliamik suliarinnittoqartarnissaa qulakkeerneqassaaq.

12. Inuit innarluutillit tapersorsorneqarnissaannut Inatsisartut inatsisaat assigalugu – Naalackersuisut piunasaattut kisitsisitigut paasissutissanik assigisaannillu kommunit nassiussinissaannut pisussaaffeqarnerat pillugu aalajangersakkamik aallartitsisoqassasoq siunnersuutigineqarpoq. Meeqqat pillugit sulianik suliarinnittarnermut IT-kkut ataatsimoorussamik aaqquissuussap atulersinnerani tamatuminnnga pisussaaffimmik piviusumik eqquutsitsisinnaalernissaaq naatsorsuutigineqarpoq.

3. Pisortanut aningaasaqarnikkut allaffissornikkullu sunniutissat

Meeqqanut ilaqutariinnullu sullissivinnut aalajangersagaq nutaaq aningaasaqarnikkutulli allaffissornikkut sunniuteqassaaq. Illoqarfinni annerni 16-ini ilaqutariinnut sullissivinnik imaluunniit ilaqutariit illuinik peqareerpoq, kisiannili najugaqarfinni 1000-t ataallugit inulinni ilaqutariit illuinik pilersitsinissamut periarfissiineq atorineqarpat aningaasaqarnikkut allaffissornikkullu sunniuteqassaaq.

Matumunnga meeqqanut ilaqutariinnullu sullissiviit najugaqarfinnut, meeqqat illuinut qimarnguinnullu nutaanut atassusiinissamut kommunit toqqagaqarpata taamatuttaaq aningaasaqarnikkut allaffissornikkullu matumani sunniuteqassaaq.

4. Inuussutissarsiutinik ingerlataqartunut aningaasatigut allaffissornikkullu sunniutissat

Toqqaannartunik sunniuteqartoqarunnangilaq, ilaqutariilli meeqqanut ilaqutariinnullu sullissiviit neqeroorutaannik atorluaappata pitsaasumik sunniuteqarsinnaapput.

5. Avatangiisinut, pinngortitamut innuttaasullu peqqissusaannut sunniutissat

Sunniuteqartoqarunnangilaq, ilaqutariillu meeqqanut ilaqutariinnullu sullissiviit neqeroorutaannik atorluaappata inuttaasut peqqissusaannut pitsaasumik sunniuteqarsinnaapput.

6. Innuttaasunut kingunerisassat

Innuttaasut meeqqanut ilaqutariinnullu sullissiviit neqeroorutaannik atorluaappata innuttaasunut pitsaasumik sunniuteqartoqassaaq.

7. Sunniutissat allat pingaarutillit

Soqanngilaq.

8. Tusarniaaneq

Siunnersuut piffissami 31. marts 2023-miit 5. maj 2023-mut tusarniaanermut nittartakkami www.naalackersuisut.gl-imi tamanut saqqummiunneqarnikuuvoq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Kommunit meeqqanut ilaqutariinnullu sullissiviinik, ilaqutariit illuinik, meeqqat illuinik, najugaqarfiinik qimarnGUIinillu kommunalbestyrelsip ingerlatsinermut sammititamik nakkutilliinissaanut pisussaaffeqarnera aalajangersakkap erseqqissarpaa.

Nr. 2-mut

Inatsisartut inatsisaanni § 8-mi immikkoortumik nutaamik siunnersuutigineqartumik ikkussinerup malitsigisaanik aalajangersakkani innersuussutit kingunerisaanik iluarsineqarput (inatsisissatut siunnersuummi § 1, nr. 1 takuuk).

Nr. 3-mut

§ 14-imut

Aalajangersagaq Isumaginninnermut Aqutsisoqarfiup suliassani tullinnguuttuni kommunimi suliaqartarnermut ikiuinissaanut piginnaatitsivoq: isumaginninnermi sulianik misissuinerit, takuuk inatsimmi § 45, ikiorsiinissamik suliniuteqarnerit, takuuk inatsimmi kapitali 7, ikiorsiinissamik suliniuteqarnerit immikkut ittut, takuuk inatsimmi kapitali 8, ikiorsiinissamik suliniuteqarnerit sukannerit, takuuk inatsimmi kapitali 9, kiisalu ikiorsiinissamik suliniuteqarnerit suliniuteqarnerullu kingorna malitseqartitsinermik unitsitsineq, takuuk inatsimmi kapitali 11.

Aalajangersagaq manna malillugu sulianut pinartunut sulianullu pisariusunut immikkut ittunut Isumaginninnermut Aqutsisoqarfiup ikiorsiinera tunngatinneqarpoq, tamatumalu kingorna Isumaginninnermut Aqutsisoqarfiup ikiorsiinera immikkut sukannerulissalluni.

Isumaginninnermut Aqutsisoqarfik kommunalbestyrelsimit noqqaassummik taamaallaat tigusaqarsimaguni, Isumaginninnermut Aqutsisoqarfik kapitalini taaneqartuniinnaq suliassanik ikiuisinnaavoq. Inatsisartut inatsisaat manna pillugu kommunit suliaanni Isumaginninnermut Aqutsisoqarfiup ilitersuinissaanut, siunnersuinissaanut suliaticigullu tunngasunik siunnersuinissaanut tunngatillugu kommunalbestyrelse taamaalilluni akuersissuteqassaaq.

Isumaginninnermut Aqutsisoqarfik suliiani ilitersuinikkut, siunnersuinikkut aamma suliaticigut tunngasunik siunnersuinikkut ikiuuttarpoq.

Nr. 4-mut

Sulianik ingerlatsinermut aaqqissussaq nunamut tamarmut atuuttoq Get Organized paasissutissanik nalunaarutiginninnermut attuumassuteqartunik imaqarpoq. Inatsisit allanngortinnissaannut siunnersuutikkut matumuuna siunnersuutigineqarpoq § 55 b-mi ilanngunneqassasoq allaffissornikkut ingerlanneqarnissaanut pisortani IT-kkut

aaqqissuussamik atuissasut aamma § 60 a-mi Kommunalbestyrelse kisitsisitigut paasissutissanik assigisaannillu, Naalakkersuisut piumasarisaannik, nassiussinissamik pisussaaffeqartooq. Aalajangersakkat taakku eqqunnerisigut nalunaarutiginninnermut aaqqissuussinermik siunertaq naammassineqassaaq. IT-kkut aaqqissuussinerit assigiinngitsut marluk assigiimmik siunertallit pilersinneqarnissaat pinngitsoortinniarlugu siunnersuutigineqarpoq § 18 atorunnaassasoq.

Nr. 5-imut

Kommunip meeqqanut ilaqutariinnullu sullissivianut suliniutitut ikiorsiissutigalugu kommunalbestyrelse innuttaasumik innersuussinissaanut aalajangersakkamit periarfissinneqarpoq.

Nr. 6-imut

Siunnersuutip Inatsisartut inatsisaanni § 21, imm. 4, nr. 1 atuuttoq ingerlateqqippaa, kalaallisoortani oqaatsitigut iluarsiinertaqarluni.

Meeqqamik inissiilluni pineqaatissiinermi eqqortumik iliuseqartoqarsimanersoq qulaajaaffiginiarlugu ilaqutariit isumasioqatigiinnerat ilaatigut atorneqarsinnaavoq. Ilaqutariit isumasioqatigiinnerat aammattaaq atuarfinni, pinerluttaalisitsinermik suliani aammalu eqimattani inuttakinnerusuni atorneqarsinnaavoq.

Aalajangiinissamut iluaqutaasumik, meeqqap inuusuttulluunniit annertusisamik attaveqarfigisartagai immikkut piginnaasaqarnerat, misilittagaqarnerat aamma isumalluuteqarnerat ilaqutariinnik isumasioqatigiissitsinerup tunngavigivai. Kikkut annertusisamik attaveqaatitut inississanersut meeqqamiit meeqqamut nikerarsinnaasarpooq. Taamaattumik kina meeqqamut attaveqaatissaatut isiginiarneqarnissaanut ilaqutariissutsikkut attuumassuteqarnissaq imaluunniit sumiuussutsikkut qanittumiittuunissaq pisariaqanngilaq.

Meeraq ilaqutariillu ajornartorsiuteqarpata, ilaqutariinnut imaluunniit isumassuiffiusumut tapersersuisoqarnissamik aalajangiisoqartussaattillugu ilaqutariinnik isumasioqatigiissitsineq periaasiuvoq immikkorluinnaq atorneqarnissaminut tulluarsagaq atorneqarluarsinnaasoq. Ilaqutariit isumasioqatigiinnerinut ilaqutariit eqqarlitik, ikinngutitik imaluunniit allat, ilaqutariinnut pingaaruteqarsinnaasut ilagalugit naapeqatigiittarput, meeqqap inuusuttulluunniit qanoq iliornikkut inuunerata pitsanngortissinnaanera pillugu oqallillutillu pilersaarusiortarlutik. Ilaqutariit tamarmik tunniussaqsinnaanissaat, aamma ilaqutariit meeqqamut inuusuttumulluunniit siunissami pitsaanagerusumik inuuneqalernissaanut piviusorsioqatigiinnerinut siunnersuuteqarsinnaanissaat periaatsimi tunngavigineqartarpoq. Ilaqutariinnik isumasioqatigiiffimmi ilaqutariit namminneerlutik meeqqap atugaanik angerlarsimaffimmi ajornartorsiortoqarpat aaqqiissutissanik pilersaarusiornermi peqataasarput, imaluunniit ajornartorsiut atuarfimmiiissimappat meeqqap atuarfimmi ingerlariaqqinnissaanik ikiuisinnaallutik, imaluunniit angajoqqaat tamanna kisimiillutik kivissinnaasimangippassuk sapinngisamik meeqqap paaqqutarinissaanut ikiorserlugit.

Ilaqutariinnik isumasioqatigiissitsinerup meeraq ilaqutariillu ilanngutitittarpai, taamaasilluni ilaqutariit meeqqap ajornartorsiutaanik aaqqiiniarnermi akisussaaffilersittarpai.

Suliniuteqartuq isumaginnittoqarfimmi ilaqutariinnut sullissisuusinnaavoq imaluunniit paaqqinnittarfinni taakkunungaluunniit atassuteqartuni inuussutissarsiutigalugu sulisuusinnaalluni, assersuutigalugu meeqqap atuarfimmi ilinniartitsisua, peqqissaasua, perorsaasua il. il. Suliniuteqartup tamatuma kingorna ilaqutariit isumasioqatigiissinneqarnissaat siunertamut naapertuunnersoq pillugu ilaqutariit oqaloqatigissavai. Ilaqutariit neqeroorummut akuersisimappata ilaqutariinnik isumasioqatigiiffiup nalilersussammagit, suliamik aallarnisaasup ilaqutariit peqatigalugit apeqqutit tulluarsassavai.

Taamaalilluni ulluinnarni isumassuinermi suliassat aaqqiiffiginissaat pillugit ilaqutariit iluminni pitsaanerusumik suleqatigiissinnaaleqqullugit, ilaqutariinnik pikkorissaaneq ilaqutariinnik sullissineq ineriartortitsinerlu aallaavigalugit ingerlanneqassaaq. Ilaqutariinnik pikkorissaanermi assersuutigalugu tunngaviusumik angajoqqaat piginnaasarisariaqagaat pikkorissaatigineqartarput, angajoqqaat piginnaasaat inerikkiartortinniarlugit tapersorsorniarlugillu meeqqaminnik pitsaasumik inerikkiartortitsinissaannut aallarnisaalluarnissaannullu piginnaanngorsartinniarlugit. Ilaqutariinnik pikkorissaanerit aamma immikkorluinnaq sammisunut unammillernartuusinnaasarput, assersuutigalugu ilaqutariit innarluutilimmik meerartaartut, taamaasillutik immikkut ittumik atugaqalersut, ilaqutariit meeqqanut nalginnaasumik angajoqqaanngornissaminut ilisimasaat, pineqartumi amigaateqartitsilersarmata.

Nr. 7-imut

Inatsisartut inatsisaanni § 21-mi, imm. 4-mi normumik nutaamik siunnersuutigineqartumik ikkussinerup malitsigisaanik aalajangersakkami innersuussut kingunerisaanik iluarsineqarpoq (inatsisissatut siunnersuummi § 1, nr. 4 takuuk).

Nr. 8-imut

Inatsisartut inatsisaanni § 21-mi, imm. 4-mi normumik nutaamik siunnersuutigineqartumik ikkussinerup malitsigisaanik aalajangersakkami innersuussut kingunerisaanik iluarsineqarpoq (inatsisissatut siunnersuummi § 1, nr. 4 takuuk).

Nr. 9-mut

Inatsisartut inatsisaanni § 21-mi, imm. 4-mi normumik nutaamik siunnersuutigineqartumik ikkussinerup malitsigisaanik aalajangersakkami innersuussut kingunerisaanik iluarsineqarpoq (inatsisissatut siunnersuummi § 1, nr. 4 takuuk).

Nr. 10-mut

Siunnersuutip Inatsisartut inatsisaanni § 32, imm. 2, atuuttoq ingerlateqqippaa, kalaallisoortani oqaatsitigut iluarsiinertaqarluni.

Tikeraarluni angalaneq angajoqqaatut oqartussaasumut tunniunneqarsinnaanera periarfissaasooq aalajangersakkami aalajangersarneqarpoq. Atornerluineq nakuusernermillu pissusilersorneq pissutaallutik meeqqap angerlarsimaffimmi pissutsit toqqissisimanartinnigppagit, tikeraarluni angalaneq angajoqqaanut tunniunneqarpat naapertuunnerusaaq. Angajoqqaat inissiiffiusumut tikeraareersimannigppata inissiiffiusumut tikeraarnermikkut meeqqap ulluinnaanik paasisimasaqalernissaannut taamaalilluni una periarfissatsialaavoq. Aalajangersakkamili angajoqqaajusup arlaata ataatsip angalanerata akilerneqarnissaanut taamaallaat periarfissiisoqarpoq. Aalajangersakkamit tassannga aningaasartuutit matussuserneqarsinnaasut tassaapput meeqqap inissinneqarfianut angalanermi aningaasartuutit kiisalu nammeneq illusimanissamut periarfissaqarsimannigppat unnuinermut aningaasartuutit. Pisut ilaanni ulloq unnuarlu paaqqinnittarfiit unnuiffissamik periarfissiinissamut periarfissaqarsinnaapput.

Tikeraarluni angalaneq ilaquataasumut allamut imaluunniit inummut meeqqap immikkut atassuteqarfignissaanut tunniunneqarsinnaavoq. Meeqqap angajoqqaatut oqartussaasuinut attaveqarnissaa meeqqap soqutigisaanut akerliusoq inissiiffiusup nalilerpagu, periarfissaq tamanna atorneqarsinnaavoq.

Siusinnerusukkut tikeraarnermut atatillugu nuanninngitsumik misigisaqarsimanerit pissutigalugit meeraq angajoqqaanik attaveqarusunnigppat aalajangersagaq atorneqassaaq. Takorluuisoqarsinnaavorli angajoqqaat aamma meeqqap kissaatigigaat angajoqqaat tikeraassasut, siusinnerusukkulli angajoqqaat tikeraarnerinut atatillugu annertuumik akerleriittoqarneranik inissiiffiusumit takuneqarsimalluni.

Taamatut pisoqartillugu tikeraarluni angalanissap angajoqqaajunngitsunut allamulli tunniunneqarnissaanut pissutissaqarluarsinnaavoq. Tassunga ilanngullugu takorloorneqarsinnaavoq siusinnerusukkut akerleriissimanerit angajoqqaanik attaveqarnikkut meeqqamit suliarineqartut suliarinninnerlu taanna ingerlariaqqinnissamut tunngaviusooq. Angajoqqaat inissiiffiusumut tikeraarneranni meeraq toqqissisimanartunik avatangiiseqassaaq sulisullu akerleriissinnaanerit taakku isumagisinnaassavaat.

Nr. 11-imut

Eqqartuussut malillugu inissinneqarsimasut eqqartuussiviulluunniit matuminnga aalajangiineratigut meeqqanut angajoqqaatut oqartussaassusillit meeqqamut angalalluni tikeraarnissamut tunineqarnissaannik aalajangersakkamit periarfissinneqarput. Kommunalbestyrelsip piginnaasaqarfiata avataaniittumik meeraq anisinnaatitaaneq il. il. pillugit maleruagassaniititaammat, Inatsisartut inatsisaat manna malillugu meeraq angalalluni tikeraarnissamik tunineqarsinnaanngilaq.

Meeqqap angajoqqaavinut attaveqarnera attassinnaajumallugu taarsiullugu tikeraarluni angalanerit angajoqqaatut oqartussaassusilinnut tunniunneqartarput.

Meeqqap eqqartuussutikkut inissinneqarsimasup angalalluni tikeraarneqassappat, meeqqamut pulaartunik nakkutiginnittoqannginnissaa allallu assigisaat piomasqaataapput. Taamaattumik angalalluni tikeraarnissap piareersalinnginnerani, angajoqqaatut oqartussaassusillit angalalluni tikeraarnissaannut periarfissaannik ujartuineq siunertaralugu kommunalbestyrelsip pinerluttunik isumaginnittut attaveqarfigissavai.

Nr. 12-imut

Meeqqamut qitiusumik inissitsiterinnermut aaqqiissutikkut ulloq unnuarlu paaqqinnittarfimmi inissamik utaqqisumut, kommunalbestyrelsip aaqqiissutaagallartumik nassaarnissaminut pisussaataanaera aalajangersakkami erseqqissarneqarpoq. Meeraq ulloq unnuarlu paaqqinnittarfimmi, meeqqap pisariaqartitaanik isumaginnissinnaasumik, inissamik piaarnerpaamik neqeroorfigineqassasoq aaqqiissutaagallartumi suli Isumaginninnermut Aqutsisoqarfiup qulakkiigassaraa.

Kommunalbestyrelsip meeqqamik inissiigallarnerani, meeqqap pisariaqartitai kissaataalu isumagineqassapput. Meeqqap sumiiffiani qanittumi aaqqiissutaagallartumik nassaarniarloqassaaq, tassani meeqqap immikkut pisariaqartitarisinnaasai isumagineqarsinnaassapput.

Nr. 13-imut

Inatsisartut inatsisaanni § 34-mi, immikkoortumik nutaamik siunnersuutigineqartumik ikkussinerup malitsigisaanik aalajangersakkami innersuussut kingunerisaanik iluarsineqarpoq (inatsisissatut siunnersuummi § 1, nr. 10 takuuk).

Nr. 14-imut

Siunnersuutip Inatsisartut inatsisaanni § 36, imm. 1, atuuttoq ingerlateqqippaa, kalaallisoortaanii oqaatsitigut iluarsinertaqarluni.

Kommunalbestyrelse aalajangersagaq malillugu meeraq §§ 27 imaluunniit 28 malillugit angerlarsimaffiup avataanut inissinneqartoq immikkoortortamut isumannaallisakkamut inissinneqassanersoq pillugu aalajangiinissaminut periarfissaqarpoq. Meeqqap allalluunniit isumannaatsumik pineqarnissaat ilaatigullu isumaginninnermi perorsaanikkut katsorsarneqarnissamik meeqqat pisariaqartitsinerat pissutaallutik, immikkoortortami isumannaallisakkami inissiinissaq meeqqamut inissiiffissatut siullertut toqqagassatut siulliusinnaavoq. Taamaattorli immikkoortortamut isumannaallisakkamut inissiineq inissiinerup ingerlanerani kingusinnerusukkut pisinnaavoq, matumani tapersersuisoqarnissaanut iliuusissat sakkukinnerusut, taakkununga meeqqamut sullitassamut ulloq unnuarlu paaqqinnittarfimmut inissiisarneq immikkut ilanngullugu, iluatsinngitsumik misilinneqareersimappata.

Isumaginninnikkut pissuteqarluni immikkoortortami isumannaallisakkami inissiinissaq pillugu kommunalbestyrelsip aalajangiisinnaaneranut piomasqaatit

naammassineqarsimasussat aalajangersakkami tullerriaarlugit takutinneqarput. Taamaasilluni aalajangersagaq malillugu meeraq 12-it 15-illu akornanni ukiulik aatsaat immikkoortortami isumannaallisakkami inissinneqarsinnaassaaq, meeraq sakkortuumik inatsisinik unioqquutisisimappat kiisalu meeqqap allalluunniit isumannaatsumik pineqarnissaat eqqarsaatigalugu tamanna pisariaqavissutut isigineqarpat.

Inatsisinik sakkortuumik unioqquutisisimanerup pineqarnissaanut piunasaqaat Kalaallit Nunaannut Eqqartuussisarnermut Inatsimmi § 359 malillugu tigummigallagaasarnermut piunasaqaammut assinguvoq. Taamaasilluni meeqqap pinerlussimaneranut ukiukinnerpaaffissamut tunngatillugu meeqqap immikkoortortami isumannaallisakkami inissinnissaanut pinerluutit tunngavilersuutaasinnaasut taakkorpiat pineqarput. ”Sakkortuumik inatsisinik unioqquutisinerni” inatsisinik unioqquutisinerit akiliisitsinernik sakkortunerusunik pineqaatissiissutitut naatsorsuutigineqarsinnaasut paasineqassapput. Immikkoortortami isumannaallisakkami inissiineq meeqqap pisinnaatitaaffiit sakkortuumik akulerunneruvoq, taamaammallu inissiineq aatsaat pisinnaavoq tamanna meeqqap allalluunniit isumannaatsuunissaat eqqarsaatigalugu pisariaqavissimappat. Taamaattumik tapersersuinissamut iliuusissat sakkukinnerusut, soorlu ulloq unnuarlu paaqqinnittarfimmut inissiinerit, misilinneqareersimassapput imaluunniit ersarissumik takuneqarsinnaassaaq tapersersuinissamut iliuusissat sakkukinnerusut meeqqap allalluunniit isumannaatsumik illersornissaanut naammangitsut. Tamatumunnga assersuutigalugu meeqqap annersaalluni paatsiveerullunilu pissusilersornera imaluunniit Isumaginninnerup iluani pissaanermik atuineq pillugu Inatsisartut inatsisaanni malittarisassat malillugit tigummigallagaaneq aqquutigalugu meeqqap imminut ajoquserniarluni pissusilersornerata pinngitsoortinnissaanut pisariaqartitsineq tunngavilersuutaasinnaapput.

Nr. 15-imut

Siunnersuutip Inatsisartut inatsisaanni § 39, imm. 6, atuuttoq ingerlateqqippaa, kalaallisoortani oqaatsitigut iluarsiinertaqarluni.

Aalajangersakkami erseqqissarneqarpoq ilaqutariit paarsisartut paarsaqarnissamut akuersissummik atuuttumik meeqqat ataasiakkaat tamaasa ilaqutariinni paarsisartuniittut peqassasut. Tamatuma kingunerisaanik meeqqat tamarmik pillugit ataatsikkut ilaqutariit paarsisartut akuerineqarneq ajorput, meeqqalli ataasiakkaap pisariaqartitai eqqarsaatigalugit pisuni ataasiakkaani nalilerneqartarput.

Meeqqat paarineqartussat ataasiakkaat pisariaqartitaannik isumaginissaannut pisariaqartunik ilaqutariit paarsisartut ataasiakkaat nukissaqarnerat tunngaveqarnissaallu aalajangersakkami qulakkeerneqarpoq meerarlu pisariaqartumik isumassorneqarluni.

Paarsaqarnissamut akuersissut kommunalbestyrelsimit tunniunneqassaaq. Ilaqutariit paarsisartut pineqartut pisariaqartinneqartunik piginnaasaqarnersut nukissaqarnersullu misissornissaannut kommunalbestyrelse taamaalilluni akisussaavoq. Nalilersuinermi

najugaqarnerup sivilissusaa, meeqqap ukiui pisariaqartitaalu, ilaqutariinni paarsisartuni meeqqat allat kiisalu ilaqutariit paarsisartut nukissaqassusaat eqqarsaatigineqassapput.

Ilaqutariit paarsisartut paarsaqarnissamut akuersissutinik assigiinngitsunik arlaqartunik pigisaqarsinnaapput, apeqqutaaginnarluni qassinik meerarsiaqarnerut.

Paarsaqarnissamut akuerineqarneq itigartitaanerluunniit inatsisit ingerlatsinermut tunngasut naapertorlugit aalajangiineruvoq. Paarsaqarnissamut akuersissutip nutartertarnissaa piunasaqaatigineqanngilaq, ilaqutariilli paarsisartut qaqugukkulluunniit piunasaqaatigineqartunik naammassinninnerannik nakkutilliinissaq kommunalbestyrelsip pisussaaffigaa.

Nr. 16-imut

Siunnersuutip Inatsisartut inatsisaanni § 41, imm. 2, atuuttoq ingerlateqqippaa, aalajangersakkami paragrafimut innersuussummik iluarsiinertaqarluni.

Suliaq Qitiusumik Meeqqat pillugit Paasisimasalinnit oqaaseqarfigisassanngorlugu saqqummiunneqassanersoq ataatsimiitsitaliamut allattoqarfik aalajangiissasoq aalajangersakkami aalajangersarneqarpoq. Suliami paasisutissat aamma suliap ataatsimiitsitaliamut qaqinneqarnissaanut isummerneq ataatsimiitsitaliamut allattoqarfiup isumagissavaa. Suliamik suliarinninnerup nalaani suliaq pillugu paasisutissiinerup ilaatut, tassa angerlartitsinissamik kommunalbestyrelsip aalajangiinnginnerani taamatut pisoqarsinnaanera pilertarpoq. Ataatsimiitsitaliap oqaaseqaataa taamaalilluni piffissaq eqqarsaatigalugu kommunalbestyrelsimi aalajangiisoqarnissaa sioqqullugu pivoq, soorunalumi angerlartitsinissaq pillugu aalajangiinissamut kommunip aalajangiinissaa sioqqullugu tamanna utaqqineqassaaq.

Nr. 17-imut

Meeqqat angerlarsimaffiup avataanut inissinneqartut tusarneqartarnissaat pingaaruteqarluinnarpoq. Meeqqamut amerlasuutigut isummaminik anitsissalluni nassuiaanissaq ajornakusoorsinnaavoq, tamanna angajoqqaaminut ataqqinnikkunnaarnertut misigisimalersitsinnaasarami. Taamaalilluni meeraq qanoq isumaqarnerminik, inissinneqarnerminut tunngasut ilanngullugit, nassuiaasinnaanngortissallugu meeqqanut illersuisup ikiorsinnaavaa. Meeqqanik illersuisartup aamma isumaginninnermi maleruagassat ilisimavai aamma kommunimik oqaloqateqarnermi ataatsimeeqateqarnermilu meeqqap pisinnaatitaaffiisa eqqortinneqarnerisa qulakkeerneqarnissaannut peqataasinnaavoq.

Nr. 18-imut

Aalajangersagaq nutaajuvoq.

Kommunalbestyrelse isumaginninnikkut sulianik misissuinissamut atugassanik meeqqap angajoqqaalluunniit qanigisaanni meeqqanut ilaqutariinnullu sullissivimmut imaluunniit ilaqutariit illuannut ikioqqusinnaavoq.

Meeraq taassumalu angajoqqaavi imaluunniit isumassuisui allat pillugit meeqqanut ilaqutariinnullu sullissivimmik ilaqutariillu illuannik suleqateqarnermik aamma paasissutissanik attuumassutilinnik aallersinnaanermik qulakkeerinninnissaq aalajangersakkami siunertarineqarpoq. Meeqqanut ilaqutariinnullu sullissiviup imaluunniit ilaqutariit illuata isumaginninnermi sulianik misissuinissaannik peqquneqarnissaannut periarfissatut aalajangersagaq paasineqassanngilaq – suliassarmi taanna meeqqap najugarisaata kommuniani kommunalbestyrelsit suli suliassaraat. Meeqqap atugarisai pillugit assersuutigalugu meeqqanut ilaqutariinnullu sullissivimmik imaluunniit ilaqutariit illuannik oqaloqateqarnikkut ikiuineq pisinnaavoq.

Nr. 19-imut

Kapitali nutaajuvoq.

§ 55 a-mut, imm. 1

Kommunini tamani ikinnerpaamik meeqqanut ilaqutariinnullu sullissivimmik ataatsimik pilersitsinissamik ingerlatsinerullu qulakkeernissaanik aalajangersagaq kommunalbestyrelsimut pisussaaffiliivoq.

§ 55 a-mut, imm. 2

Kommunalbestyrelse najugaqarfinni 1000-t sinnerlugit inulinni meeqqanut ilaqutariinnullu sullissivimmik suli pilersitsiffiunngitsumi, ilaqutariit illuinik pilersitsillunilu ingerlatsinissamik qulakkeerinnissaq.

§ 55 a-mut, imm. 3

Kommunalbestyrelsip najugaqarfinni 1000-t ataallugit inulinni ilaqutariit illuinik pilersitsillunilu ingerlatsinnaaneranik aalajangersakkap periarfissippaa.

§ 55 a-mut, imm. 4

Meeqqat ilaqutariillu kiisalu angajoqqaanngortussat ikiorneqarnissaat meeqqanut ilaqutariinnullu sullissiviit qitiusutut suliassaraat. Ikiuineq ilaqutariinnut atugarliortunut imaluunniit assersuutitut meeraq atornerlunneqarsimatillugu ilaqutariilluunniit ajornartorsiorfianni ikiugassaatillugit katsorsarneqartunut pinaveersaartitsinnaavoq nukinnillu annertusaasinnaalluni. Ikiuineq inatsit manna malillugu piviusumik tapersersuinissamut aaqiinerusinnaavoq, imaluunniit ilaqutariinnut ikiorneqarnissaminnik namminneq ujartuisunut ammasumik neqeroorutaasinnaavoq.

Angajoqqaat akisussaaffii pillugit oqaloqatiginninnermik meeqqanilluunniit oqaloqatiginninnermik malitseqartitsinertut angajoqqaat meeqqalluunniit pisariaqartitaat tunngavigalugit meeqqanut ilaqutariinnullu sullissivik ilaqutariilluunniit illuat neqerooruteqarsinnaapput.

§ 55 a-mut, imm. 5

Nalunaarummi meeqqanut ilaqutariinnullu sullissiviit ilaqutariillu illui pillugit malittarisassanik erseqqinnerusunik Naalakkersuisut aalajangersaanissaannut aalajangersakkap periarfissippai. Sullitat pillugit malittarisassat aamma meeqqanut ilaqutariinnullu sullissivinnut ilaqutariillu illuinnut kommunit innersuussisinnaanerinnut periarfissiineq nalunaarutip imarissavai. Aammattaaq nuna tamakkerlugu meeqqanut ilaqutariinnullu sullissiviit ilaqutariillu illui nunaqqatigiinni minnerpaamik neqeroorutigisinnaasaattut neqeroorutit sorliussanersut pillugit aalajangersaassaaq. Tamatuma saniatigut meeqqanut ilaqutariinnullu sullissiviit ilaqutariillu illui suliaannut pisariaqartut paasissutissanik paarlaasseqatigiinnissamut nalunaarutip pitsaanerusunik periarfississavai.

Aalajangersakkap najugaqarfiit, meeqqat illui aamma qimarnguiit meeqqanut ilaqutariinnullu sullissivinnut atassutillit pillugit malittarisassanik erseqqinnerusunik Naalakkersuisut aalajangersaanissaannut aamma periarfississavai.

§ 55 b-mut

Aalajangersagaq meeqqat pillugit suliaqartarnermut IT-kkut ataatsimoorussamik aaqqiissutissamik atuinissamut pisussaaffiliineq nutaajuvoq.

Meeqqat tapersorneqarnissaannut Inatsisartut inatsisaat tunngavigalugu suliaassanik allaffissornikkut ingerlatsinerimut pisortat IT-kkut ataatsimoorussamik aaqqiissutissamik atuinissaannik kommunit aamma Namminersorlutik Oqartussat pisussaaffilerneqassasut siunnersuutigineqarpoq.

Pisortanut IT-kkut ataatsimoorussamik aaqqiissutissap ilaatigut ingerlatsiviup sulianillu sullissisut ataasiakkaat paasissutissat, inatsisip pineqartup allaffissornikkut ingerlanneqarnissaannut naleqquttut, kisimiillutik iserfigisinnaassagaat qulakkiissavaa.

Pisortanut IT-kkut ataatsimoorussamik aaqqiissutissaq pillugu aalajangiineq Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni § 46 a-mi malittarisassiorneqarpoq. Pisortanut IT-kkut ataatsimoorussamik aaqqiissutissaq Namminersorlutik Oqartussanut kommuninullu pisortat IT-kkut ataatsimoorussamik aaqqissuussaannut pioreersunut programitut ikkunneqassasooq naatsorsuutigineqarpoq.

Nr. 20-mut

Kapitali nutaajuvoq.

§ 60 a-mut, imm. 1

Naalakkersuisunit piumaffigineqarnikkut kisitsisitigut paasissutissanik kommunalbestyrelsit nassiussisassasut aalajangersakkami pisussaaffilerneqarput. Inatsisartut inatsisaat manna malillugu meeqqat ikiorserneqartut, ilaatigut ikiorsiinerit, qassinik ukioqarnernut agguataarinerit, suaassuseq suliaasaqarfimmilu ineriartormik malinnaanissamut

pingaaruteqartut uuttuutit sorliit pillugit kisitsisitigut ilisimasanik ataavartumik Naalakkersuisut matumunnga pissarsisinnaapput. Kisitsisitigut ilisimasat kommunalbestyrelsinuttaaq kommunimi meeqqanut suliassaqarfik pillugu paasissutissanik pissarsinissamut atorneqarsinnaavoq tassuunakkullu meeqqanut suliassaqarfimmik kommunip ineriartortitsineranut pilersaarusioneranullu tunngavissiisinaalluni.

§ 60 a-mut, imm. 2

Kisitsisitigut paasissutissat annertussusissaat pillugu aammalu taakkua qanoq nutarterneqartassanersut nassiunneqartassanersullu pillugit maleruagassanik aalajangersaanissamut Naalakkersuisut aalajangersakkami tunngavilerneqarput.

§ 2-mut

Siunnersuut ulloq 1. januar 2024-mi atortuulersinneqassaaq.

Ilanngussaq 1

| Inatsisissatut siunnersuut inatsimmut atuuttumut sanilliullugu | |
|---|---|
| <i>Oqaasertaliunneqartut atuuttut</i> | <i>Inatsisissatut siunnersuut</i> |
| | <p>§ 1</p> <p>Namminersorlutik Oqartussat inatsit pillugu nalunaarutaat nr. 6, 1. juni 2022-meersoq naapertorlugu Meeqqat tapersersorneqarnissaannut Inatsisartut inatsisaanni nr. 20, 26. juni 2017-imeersumi tullinnguuttut allanngortinneqarput:</p> |
| <p>§ 8. Kommunalbestyrelse meeqqat inuunerminni atugarisaannik nakkutilliisaaq. Nakkutilliineq ornigunnikkut paasiniaanikkullu ingerlanneqartassaaq, taamaalilluni kommunemi meeqqamik ikiorserneqarnissamik pisariaqartitsisumik sapinngisamik siusissukkut kommunalbestyrelse ilisimaarinnilerniassammat.</p> <p><i>Imm. 2.</i> Kommunalbestyrelsip meeqqamut pineqartumut angerlarsimaffiup avataanut inissinneqarsimasumut nakkutilliineq ingerlattassavaa.</p> <p><i>Imm. 3.</i> Kommunalbestyrelsip kommunimi ilaqutariit paarsisartut nakkutigisassarai. Kommunalbestyrelsip ilaqutariinni paarsisartuni pisariaqartinneqarpat annertusisamik nakkutiginninnisaaq aalajangissaavaa.</p> <p><i>Imm. 4.</i> Nakkutilliineq imm. 2 aamma 3 tunngavigalugit nalunaaqqaarluni nalunaaqqaarniluunniit nakkutilliinertut ingerlanneqarsinnaavoq.</p> <p><i>Imm. 5.</i> Naalakkersuisunit qinnuigineqarneq tunngavigalugu, imm. 1-imiit 4 malillugu nakkutilliinermik kommunalbestyrelsip ingerlatsineranut paasissutissat kissaatigineqartut tamarmik nassiunneqarnissaat, kommunalbestyrelsip pisussaaffigaa.</p> | <p>1. § 8-mi imm.3-p kingorna immikkoortutut nutaatut ikkunneqassaaq:</p> <p>” <i>Imm. 4.</i> Kommunalbestyrelse kommunimi meeqqanut ilaqutariinnullu sullissivinni ilaqutariillu illuini ingerlatsineranut sammititamik nakkutilliisassaaq. Kommunalbestyrelse aammattaaq najugaqarfinnik, meeqqat illuinik kiisalu qimarnguinnik, meeqqanut ilaqutariinnullu sullissivimmut atassuserneqarlutik pilersinneqartunut, ingerlatsineranut sammititamik nakkutilliisassaaq, takuuk § 55 a, imm. 5, nr. 4-6.”</p> <p>Imm. 4-6 tamatuma kingorna tassaalerput imm. 5-7.</p> |

| | |
|---|--|
| <p><i>Imm. 6.</i> Naalackersuisut nakkutilliinermut malittarisassanik aalajangersaasinnaapput, taassuma ataani kommunalbestyrelsip nakkutilliisussaatitaanermik suliaqarneranut, nakkutilliinerup aaqqissuunnissaanut, nakkutilliisussaatitaanerup naammassinissaanut atugassarititaasunik piunasaqaatinillu, sukannernerusumik nakkutilliinissami piunasaqaatinut aammalu kommunalbestyrelsip nakkutilliinermut nalunaarusiaanut piunasaqaatinut.</p> | |
| <p>§ 8. <i>Imm. 4.</i> Nakkutilliineq imm. 2 aamma 3 tunngavigalugit nalunaaqqaarluni nalunaaqqaarnaniluunniit nakkutilliinertut ingerlanneqarsinnaavoq. <i>Imm. 5.</i> Naalackersuisunit qinnuigineqarneq tunngavigalugu, imm. 1-imiit 4 malillugu nakkutilliinermik kommunalbestyrelsip ingerlatsineranut paasissutissat kissaatigineqartut tamarmik nassiunneqarnissaat, kommunalbestyrelsip pisussaaffigaa.</p> | <p>2. § 8, imm. 4-5, imm. 5-6-inngortut, imatut oqaasertalerneqassapput: ” <i>Imm. 5.</i> Nakkutilliineq imm. 2 aamma 4 tunngavigalugit nalunaaqqaarluni nalunaaqqaarnaniluunniit nakkutilliinertut ingerlanneqarsinnaavoq. <i>Imm. 6.</i> Imm. 1-5 malillugit kommunalbestyrelsip nakkutilliinermik ingerlatsinera pillugu Naalackersuisut noqqaaneratigut paasissutissat kissaatigineqartut tamaasa nassiunnissaannut kommunalbestyrelse pisussaaffeqarpoq.”</p> |
| <p>§ 14. Kommunalebestyrelsip noqqaaneratigut Isumaginninnikkut Aqutsisoqarfik suliaassanik ukununnga tunngasunik suliaqarsinnaavoq: 1) isumaginninnermi sulianik misissuineq, tak. § 45, 2) ikiorsiinissamik suliniuteqarnerit, tak. kapitali 7, 3) ikiorsiinissamik suliniuteqarnerit immikkut ittut, tak. kapitali 8, 4) ikiorsiinissamik suliniuteqarnerit sukannernerit, tak. kapitali 9, aamma 5) ikiorsiinissamik suliniuteqarnernik suliniuteqarnerullu kingorna malitseqartitsinermik unitsitsineq, tak. kapitali 9. <i>Imm. 2.</i> Isumaginninnikkut Aqutsisoqarfik suliap aalajangiivigineqarnera pillugu</p> | <p>3. § 14 imatut oqaasertalerneqassaaq: ” § 14. Kommunalebestyrelsip noqqaaneratigut Isumaginninnermut Aqutsisoqarfik kommunip sulianik suliarinninnerani ilitsersuinnermik, siunnersuinnermik suliallu tungaatigut siunnersuinnermik suliat ukununnga tunngassuteqarpata ikiuussinnaavoq: 1) isumaginninnermi sulianik misissuineq, takuuk § 45, 2) ikiorsiinissamik suliniuteqarnerit, takuuk kapitali 7, 3) ikiorsiinissamik suliniuteqarnerit immikkut ittut, takuuk kapitali 8, 4) ikiorsiinissamik suliniuteqarnerit sukannernerit, takuuk kapitali 9, aamma 5) ikiorsiinissamik suliniuteqarnernik suliniuteqarnerullu kingorna</p> |

| | |
|---|--|
| <p>tungavilersukkamik kommunalbestyrelsimut allaganngorlugu inassuteqaateqassaaq.</p> | <p>malitseqartitsinermik unitsitsineq, takuuk kapitali 11.”</p> |
| <p>§ 18. Naalackersuisut nalunaaruteqartarnerit pillugit ataatsimut paasissutissiinissamik siunertaqartumik §§ 15-17 malillugit nalunaaruteqarnermut tunngasunik nuna tamakkerlugu nalunaaruteqartarfimmik pilersitsissapput.</p> <p><i>Imm. 2.</i> Nuna tamakkerlugu nalunaaruteqartarfimmik ingerlatsineq, isumaginninneq paasissutissanillu katersineq pillugit maleruagassanik erseqqinnerusunik Naalackersuisut aalajangersaasinnaapput.</p> | <p>4. § 18 atorunnaarpoq.</p> |
| <p>§ 21.</p> <p><i>Imm. 4.</i> Kommunalbestyrelse ikiorsiinissamik suliniuteqarnerup neqeroorutigineqarnissaanut imaattunik aalajangiissuteqarsinnaavoq:</p> <p>1) ilaqutariinnik pikkorissartitsineq, ilaqutariinnik isumasioqatigiissitsineq imaluunniit attaveqaatit peqatigalugit ataatsittoqassasoq,</p> <p>2) tapersersorteqarnissaq aamma attaveqartarfeqarnissaq, tak. § 22,</p> <p>3) efterskolimiinnermi ikiorsiinissaq, tassunga ilanngullugu aningaasatigut ikiorsiinissaq,</p> <p>4) ikiorsiineq alla meeqqap ineriartorneranik ingerlalluarnissaanillu qulakkeerinninnissamik siunertaqartoq, tassaasinnaavoq aningaasatigut ikiorsiinermik neqerooruteqarneq, tamanna meeqqap angerlarsimaffiup avataanut inissinneqarsinnaaneranik pinaveersaartitsisinnaappat imaluunniit pinngitsoortitsisinnaappat, assersuutigalugu inigisap attartorneranut akiligassaqarneq imaluunniit inigisamut akiligassap tulliuttup akilersinnaanginneranik il.il. pissuteqartumik attartukkamit</p> | <p>5. § 21-mi, imm. 4, nr. 1 nutaatut ikkunneqassaaq:</p> <p>”1) meeqqanut ilaqutariinnullu sullissivimmuut innersuussineq,”</p> <p>Nr. 1-4 tamatuma kingorna tassaalerput nr. 2-5.</p> |

| | |
|--|--|
| <p>anisinneqartarialersinnaaneq pinngitsoortinniarlugu.</p> | |
| <p>§ 21. <i>Imm. 4.</i> Kommunalbestyrelse ikiorsiinissamik suliniuteqarnerup neqeroorutigineqarnissaanut imaattunik aalajangiissuteqarsinnaavoq: 1) ilaqutariinnik pikkorissartitsineq, ilaqutariinnik isumasioqatigiissitsineq imaluunniit attaveqaatit peqatigalugit ataatsittoqassasoq, 2) tapersersorteqarnissaq aamma attaveqartarfeqarnissaq, tak. § 22, 3) efterskolimiinnermi ikiorsiinissaq, tassunga ilanngullugu aningaasatigut ikiorsiinissaq, 4) ikiorsiineq alla meeqqap ineriartorneranik ingerlalluarnissaanillu qulakkeerinninnissamik siunertaqartoq, tassaasinnaavoq aningaasatigut ikiorsiinemik neqerooruteqarnek, tamanna meeqqap angerlarsimaffiup avataanut inissinneqarsinnaaneramik pinaveersaartitsisinnaappat imaluunniit pinngitsoortitsisinnaappat, assersuutigalugu inigisap attartorneranut akiligassaqarnek imaluunniit inigisamut akiligassap tulliuttup akilersinnaanginneranik il.il. pissuteqartumik attartukkamit anisinneqartarialersinnaaneq pinngitsoortinniarlugu.</p> | <p>6. § 21, imm.4, nr. 1, nr. 2-nngortussaq, imatut oqaasertalerneqassaaq: ”2) ilaqutariinnik pikkorissartitsisoqassasoq, ilaqutariinnik isumasioqatigiissitsisoqassasoq imaluunniit attaveqaatit peqatigalugit ataatsimiittoqassasoq,”</p> |
| <p>§ 21 <i>Imm. 5.</i> Imm. 4, nr. 3-mut atatillugu meeqqap aalajangersimasup sullinneqarnerata ataaniiffigisai efterskolit sullinniakkanik tigusinissaminnut naleqquttuussapput.</p> | <p>7. § 21, imm. 5, imatut oqaasertalerneqassaaq: ” <i>Imm. 5.</i> Imm. 4, nr. 4-mut atatillugu meeqqap aalajangersimasup sullinneqarnerata ataaniiffigisai efterskolit sullinniakkanik tigusinissaminnut naleqquttuussapput.”</p> |
| <p>§ 21 <i>Imm. 7.</i> Imm. 4-mi nr. 3 naapertorlugu ikiorsiineq Naalakkersuisut malittarisassiuussinnaavaat, kiisalu</p> | <p>8. § 21, imm. 7, imatut oqaasertalerneqassaaq: ” <i>Imm. 7.</i> Imm. 4, nr. 4 malillugu tapersersuineq sorleq tunniunneqassanersoq</p> |

| | |
|---|--|
| <p>ikiorsiinissamik suliniutinut allatut isikkulinnut imm. 6 malillugu malittarisassiuussisinnaallutik.</p> | <p>pillugu Naalakkersuisut sukumiinerusumik malittarisassanik aalajangersaasinnaapput, kiisalu imm. 6 malillugu ikiorsiinissamik suliniutit allaanerit allat pillugit sukumiinerusumik malittarisassiorsinnaapput.”</p> |
| <p>§ 22 Kommunalbestyrelsip meeqqamut taassumalu ilaqutaanut isumassuisuinulluunniit tapersersortiliineq attaveqarfigisartagaliinerlu ikiorsiinertut aalajangiiffigisinnaavaat, tak. § 21, imm. 4, nr. 2.</p> | <p>9. § 22, imm. 1, imatut oqaasertalerneqassaaq: ” Kommunalbestyrelsip meeqqamut taassumalu ilaqutaanut isumassuisuinulluunniit tapersersortiliineq attaveqarfigisartagaliinerlu ikiorsiinertut aalajangiiffigisinnaavaat, takuuk § 21, imm. 4, nr. 3.”</p> |
| <p>§ 32. <i>Imm. 2.</i> Meeqqamut ajunnginnerussappat, tikeraarluni angalanermut taarsiullugu angajoqqaatut oqartussaassusilinnut qanigisaasumulluunniit allamut tunniunneqarsinnaavoq, taamaalilluni taanna meeqqap imaluunniit inuusuttup suliniuteqareernermi malitseqartitsilluni suliniuteqarfigineqartup inissinneqarfigisaanut tikeraarsinnaanngorlugu. Illusimatitsinermut aningaasartuutit kommunalbestyrelsimit akilerneqassapput.</p> | <p>10. § 32, imm. 2, imatut oqaasertalerneqassaaq: ” <i>Imm. 2.</i> Meeqqamut ajunnginnerussappat, tikeraarluni angalanermut taarsiullugu angajoqqaatut oqartussaassusillip aappaanut qanigisaasumulluunniit allamut tunniunneqarsinnaavoq, taamaalilluni taanna meeqqap imaluunniit inuusuttup suliniuteqareernermi malitseqartitsilluni suliniuteqarfigineqartup inissinneqarfigisaanut tikeraarsinnaanngorlugu. Illusimatitsinermut aningaasartuutit kommunalbestyrelsimit akilerneqassapput.”</p> |
| <p>§ 32. <i>Imm. 4.</i> Imm. 1-2 malillugit tikeraarluni angalasinnaatitaanerit, eqqartuussut eqqartuussiviulluunniit tamanna pillugu aalajangernerata kingorna, meeqqamut ulloq unnuarlu paaqqinnittarfimi inissinneqarsimasumut atortinneqarsinnaanngillat.</p> | <p>11. § 32, imm. 4, imatut oqaasertalerneqassaaq: ” <i>Imm. 4.</i> Meeqqamut, eqqartuussut eqqartuussiviulluunniit tamanna pillugu aalajangernerata kingorna ulloq unnuarlu paaqqinnittarfimi inissinneqarsimasumut, tikeraarluni angalaneq taamaallaat angajoqqaatut oqartussaasuinut tunniunneqarsinnaavoq.”</p> |
| <p>§ 33. Ulloq unnuarlu paaqqinniffinni inissat pisariaqartinneqartutut amerlassusillit</p> | <p>12. § 33-mi, imm. 1-ip kingorna immikkoortutut nutaatut ikkunneqassaaq:</p> |

| | |
|--|--|
| <p>pigineqarnissaat Naalakkersuisut isumagisassaraat, tassunga ilanngullugit ulloq unnuarlu paaqqinniffiit immikkoortortaqarfiini isumannaallisakkani inissat.</p> <p><i>Imm. 2.</i> Ulloq unnuarlu angerlarsimaffiit Naalakkersuisunit, kommunalbestyrelsini ataatsinik arlalinnilluunniit ataatsimoorunneqarlutik imaluunniit paaqqinnittarfinnit imminnut pigisunit pilersinneqarlutillu ingerlanneqarsinnaapput.</p> <p><i>Imm. 3.</i> Ulloq unnuarlu paaqqinniffiit immikkoortortaqarfiit isumannaallisakkat Naalakkersuisunit, kommunalbestyrelsinit ataatsinik arlalinnilluunniit ataatsimoorunneqarlutik pilersinneqarlutillu ingerlanneqarsinnaapput.</p> <p><i>Imm. 4.</i> Ulloq unnuarlu paaqqinniffiit tak. imm. 2, Naalakkersuisunit ukiumoortumik nalunaarusiortassapput. Naalakkersuisut Inatsisartut upernaakkut ataatsimiinneranni ukiumoortumik nalunaarusiamik Inatsisartunit agguuassisassapput.</p> <p><i>Imm. 5.</i> Ulloq unnuarlu paaqqinniffiup kommunalbestyrelsimik suleqateqarluni isumaginninnermi sullissinernik allanik suliaqarsinnaanera Naalakkersuisut malittarisassiuussinnaavaat.</p> | <p>” <i>Imm. 2.</i> Meeqqamut qitiusumik inissitsiterinermut aaqqiissutikkut ulloq unnuarlu paaqqinnittarfinni inissamik utaqqisumut, kommunalbestyrelsip inissiiffiugallartumik aqutissiuinissani pisussaaffigaa.”</p> <p>Imm. 2-5 tamatuma kingorna tassaalerput imm. 3-6.</p> |
| <p>§ 34 Ulloq unnuarlu paaqqinniffiit tak. § 33, imm. 2, matumani ulloq unnuarlu paaqqinniffinni immikkoortortat isumannaallisakkat ilanngullugit, tak. § 33, imm. 3, Naalakkersuisunit akuerineqarsimassapput. Aammattaaq Naalakkersuisunit ingerlatsinermut atuuttumik isumaqatigiissusiortoqarsimassaaq.</p> | <p>13. § 34, imm. 1, imatut oqaasertalerneqassaaq: ” Ulloq unnuarlu paaqqinnittarfiit takuuk § 33, imm. 3, matumani ulloq unnuarlu paaqqinnittarfinni immikkoortortat isumannaallisakkat ilanngullugit, takuuk § 33, imm. 4, Naalakkersuisunit akuerineqarsimassapput.”</p> |
| <p>§ 36. Kommunalbestyrelsip aalajangersinnaavaa meeraq §§-it 27 imaluunniit 28 malillugit inissinneqarsimasoq, ulloq unnuarlu</p> | <p>14. § 36, imm. 1, imatut oqaasertalerneqassaaq: “ Meeraq §§ 27 imaluunniit 28 malillugu inissinneqarsimasoq, ulloq unnuarlu</p> |

| | |
|---|--|
| <p>paaqqinniffiup immikkoortortaanut isumannaallisakkamut inissinneqassanersoq. Immikkoortortat isumannaallisakkani matut silarliit igalaallu parnaarsimajuartinneqarsinnaapput. Ulloq unnuarlu paaqqinniffiup immikkoortortaanut isumannaallisakkamut inissiinissaq taamaallaat aalajangiiffigineqarsinnaavoq, ukua tunngavigalugit:</p> <p>1) Meeraq aqqaneq-marluk 15-illu akornanni ukioqartoq sakkortuumik inatsisinik unioqqutitsisimappat, meeqqap allalluunniit isumannaatsuutinnissaat eqqarsaatigalugit ulloq unnuarlu paaqqinniffiup immikkoortortaanut isumannaallisakkamut inissiisariaqarneq pisariaqartinneqarluinnalersimappat.</p> | <p>paaqqinnittarfirmi immikkoortortamut isumannaallisakkamut inissinneqassanersoq pillugu kommunalbestyrelse aalajangiisinnaavoq. Immikkoortortani isumannaallisakkani matut silarliit igalaallu parnaarsimatittuaannarneqarsinnaapput. Ulloq unnuarlu paaqqinnittarfiup immikkoortortaanut isumannaallisakkamut inissiinissaq taamaallaat aalajangiiffigineqarsinnaavoq, ukua tunngavigalugit:</p> <p>1) meeraq 12-it 15-illu akornanni ukioqarpat, 2) meeraq sakkortuumik inatsimmik unioqqutitsisimappat, aamma 3) meeqqap allalluunniit isumannaatsuutinnissaat eqqarsaatigalugit ulloq unnuarlu paaqqinnittarfiup immikkoortortaanut isumannaallisakkamut inissiisariaqarneq pisariaqartinneqarluinnalersimappat.”</p> |
| <p>§ 39. <i>Imm. 6.</i> Naalakkersuisut ukununnga ersarinnerusunik malittarisassiorsinnaapput: 1) Kommunalbestyrelsen ilaqutariinnut paarsisartunut akuersisarnerinut atorunnaarsitsisarnerinullu 2) Paasissutissat suut kommunalbestyrelsip pissarsiarisimasariaqarai ilaqutariittut paarsisartutut akuersinnginnermi, aamma 3) Paasissutissat suut paarsaqarsinnaanermut akuersissummi takuneqarsinnaassanersut.</p> | <p>15. § 39, imm. 6, imatut oqaasertalerneqassaaq: “ <i>Imm. 6.</i> Naalakkersuisut ukununnga ersarinnerusunik malittarisassiorsinnaapput: 1) kommunalbestyrelsip paarsaqarsinnaanermut akuersissutinik tunniussinissaanut utertitsinissaanullu piumasaqaatit, tassunga ilanngullugit ilaqutariinni paarsisartuni inoqutigiiusut tamarmik 15-it sinnerlugit ukioqalereersimasut meeqqanik pinerliisimannginnerannut aamma pineqaatissinneqarsimannginnerannut uppernarsaataannik pissarsiniartarnerit, 2) paarsaqarsinnaanermut akuersissummik tunniussisoqannginnerani paasissutissat suut kommunalbestyrelsimit pissarsiarineqarsimassanersut, aamma 3) paarsaqarsinnaanermut akuersissummi paasissutissat suut allassimassanersut.”</p> |

| | |
|---|--|
| <p>§ 41. <i>Imm. 2.</i> Kommunalbestyrelsip inissiinerup unitsinnissaanut tunngatillugu aalajangiinnginnermini akisussaaffigaa inissiiffimmiit allaganngorlugu oqaaseqaammik pissarsiniartoqarsimanissaa, tak. imm. 1, nr. 3. Inissiiffiup oqaaseqaammini inassutigippagu meeqqap inissiiffigisaminiiginnarnissaa kommunalbestyrelsip Meeqqat Pillugit Paasisimasalittut Qitiusumik Ataatsimiitsitaliap allattoqarfia ilisimatissavaa. Meeqqat Pillugit Paasisimasalittut Qitiusumik Ataatsimiitsitaliap allattoqarfiata aalajangersinnaavaa suliassaq Meeqqat Pillugit Paasisimasalittut Qitiusumik Ataatsimiitsitaliamut oqaaseqarfigisassanngorlugu saqqummiunneqassanersoq, tak. § 53.”</p> | <p>16. § 41, imm. 2, imatut oqaasertalerneqassaaq: ” <i>Imm. 2.</i> Kommunalbestyrelsip inissiinerup unitsinnissaanut tunngatillugu aalajangiinnginnermini inissiiffimmiit allaganngorlugu oqaaseqaammik pissarsiniartoqarsimanissaa akisussaaffigaa, takuuk imm. 1, nr. 3. Inissiiffiup oqaaseqaammini meeqqap inissiiffigisaminiiginnarnissaa inassutigippagu, kommunalbestyrelsip Meeqqat Pillugit Paasisimasalittut Qitiusumik Ataatsimiitsitaliap allattoqarfia ilisimatissavaa. Meeqqat Pillugit Paasisimasalittut Qitiusumik Ataatsimiitsitaliap allattoqarfiata aalajangersinnaavaa suliassaq Meeqqat Pillugit Paasisimasalittut Qitiusumik Ataatsimiitsitaliamut oqaaseqarfigisassanngorlugu saqqummiunneqassanersoq, takuuk § 54.”</p> |
| <p>§ 44. Kommunalbestyrelsip suliarinninneranut atatillugu meeqqap ikiorserneqarnissaanut suliniuteqarnermik aallartitsinermi, meeqqap meeqqanik illersuisumit ikiorneqarnissaa neqeroorutigisinnaavaa. Suliap suliarineqarnerata nalaani meeqqanik illersuisup meeqqap pisinnaatitaaffiinik qulakkeerinninnissaq meeqqallu tusarneqarnissaa peqataaffigissavai. Meeqqanik illersuisup meeqqat atugaat suliamigut immikkut paasisimasaqarfigissavai imaluunniit meeqqanik illersuisussatut pikkorissarsimassalluni. Meeqqanik illersuisussamik toqqaaneq angajoqqaatut oqartussaassusilimmit akuerineqqaartariaqanngilaq. <i>Imm. 2.</i> Meeqqat angajoqqaatut oqartussaassusilimmit akuerineqanngitsumik</p> | <p>17. § 44-mi, imm. 2-p kingorna immikkoortutut nutaatut ikkunneqassaaq: “ <i>Imm. 3.</i> Meeqqat angerlarsimaffiup avataanut inissinneqartut meeqqat illersuisuannik neqeroorfigineqarsimassapput, takuuk § 27.” Imm. 3-5 tamatuma kingorna tassaalerput imm. 4-6.</p> |

| | |
|---|--|
| <p>angerlarsimaffiup avataanut inissinneqartut, tak. § 28, meeqqanik illersuisulerneqartassapput.</p> <p><i>Imm. 3.</i> Meeqqat ulloq unnuarlu angerlarsimaffimmi immikkoortortaqarfimmut isumannaallisakkamut inissinneqartussatut eqqarsaatigineqartut inissinneqareersimasulluunniit, meeqqanik illersuisulerneqartassapput.</p> <p><i>Imm. 4.</i> Meeqqanik illersuisup illersuisutut atorfininnerminut atatillugu pissutsit immikkut ittut pisariaqartitsippata meeqqanik pinerliisimannginnermut uppernarsaammik pinerluuteqarsimannginnermullu uppernarsaammik pissarsinissamut akuersissuteqarsinnaanngorlugu pisussaaffilerneqassaaq.</p> <p><i>Imm. 5.</i> Naalackersuisut toqqaanissamut, akissarsiaqartitsinissamut, meeqqanut pinerluuteqarsimannginnermut pinerlussimannginnermullu uppernarsaammik aallernissamut, piukkunnaateqarnermut piginnaasanullu piumasaqaatinik qanoq ittunik meeqqanik illersuisumut piumasaqaataasussat pillugit malittarisassiussapput, tak. imm. 1. Ikorsiinerup qanoq ingerlanneqarnissaa pillugu maleruagassanik erseqqinnerusunik kiisalu nakkutilliinnermut piumasaqaatit pillugit maleruagassanik erseqqinnerusunik Naalackersuisut aalajangersaasinnaapput.</p> | |
| <p>§ 45. Kommunalbestyrelse isumaginninnikkut misissuineramik suliaqassaaq meeraq immikkut ittumik ikiorserneqartariaqartutut isumaqarfigineqarpat, meeqqap atugai pillugit. Isumaginninnikkut misissuineq sapinngisamik meeqqap angajoqqaavi isumaginnittulluunniit allat meearlu suleqatigalugit ingerlanneqassaaq. Pissutsit</p> | <p>18. § 45-mi imm. 2-p kingorna immikkoortutut nutaatut ikkunneqassaaq: ” <i>Imm. 3.</i> Kommunalbestyrelse isumaginninnermi sulianik misissuinissamut atugassanik meeqqap angajoqqaalluunniit sumiiffigisaata ungasinngisaani meeqqanut ilaqutariinnullu sullissivimmut imaluunniit ilaqutariit illuanut ikioqqusinnaavoq.”</p> |

aallaavigalugit misissuineq sapinngisamik qajassuussisumik ingerlanneqassaaq, siunertarineqartumillu annertunerussanani.

Imm. 2. Kommunalbestyrelsip isumaginninnikkut misissuineramik suliaqarnermut atatillugu tulliuuttut nalilersussavai meeqqap atugaani pissutsit ataatsit arlallilluunniit allattorneqartuni tulliusuniittut pisariaqartissimanngippassuk:

- 1) Meeqqap pissusilersornera, peroriartornera ineriartorneralu.
- 2) Meeqqap ilaqutariinni atugarisai, tassunga ilanngullugit ilaqutariit attaveqarfiillu katitigaaneri.
- 3) Meeqqap ulluunerani paaqqinnittarfimmut atuarnanulluunniit tunngasut.
- 4) Meeqqap peqqissutsimigut atugai.
- 5) Meeqqap sunngiffimmi atugarisai ikinnguteqarneralu.
- 6) Pissutsit attuumassuteqartut allat.

Imm. 3. Isumaginninnikkut misissuineq iliuusissanik pilersaarummik allaganngorlugit tunngavilersukkamik kinguneqassaaq, tak. § 46, tassani allassimassapput ikiorsiineq qanoq ittoq aallartinneqassanersoq. § 28 naapertorlugu nalilernerqarpat meeraq angerlarsimaffiup avataanut inissinneqartariaqartoq Suliassa qarfiit akimorlugit suleqatigiissitap suliap kommunalbestyrelsimi aalajangiiffigineqannginnerani pissutsit immikkut ittut atuutinngippata naliliineq allaganngorlugu nalunaarutigissavaa.

Imm. 4. Ikiuigallarnissamik aallartitsisoqarpat, isumaginninnikkut misissuinerup naammassineqarneranut atatillugu kommunalbestyrelsip ikiuigallarneq ingerlateqqinneqassanersoq unitsinneqassanersorluunniit pillugu isummissaaq. Tamatumunnga atatillugu meeqqap angajoqqaatullu oqartussaassusillip ikiuineranut qanoq isummersimanerat

Imm. 3-7 tamatuma kingorna tassaalerput imm. 4-8.

| | |
|--|--|
| <p>eqqarsaatigineqassaaq.</p> <p><i>Imm. 5.</i> Inatsit alla malillugu meeraq ikiorserneqarsimappat, soorlu innarluutilinnut ikiorsiineq pillugu inatsit malillugu, tamakkununnga tunngasut kommunalbestyrelsip isumaginninnikkut misissuinermut ilanngutissavai, isumaginninnikkullu misissuinerup ilaatut meeqqap ikiorserneqarnissamik pisariaqartitsineranik tamakkiisumik nalilersuisoqassaaq, soorlu meeqqap innarluuteqarneranik tunngaveqartumik ikiorserneqartariaqarneq. Inatsisartut inatsisaat una aallaavigalugu inatsit alla malillugu ikiorsiisinnaaneq taamaalilluni meeqqap ikiorserneqarnissamik pisinnaatitaaffiinik killiliinngilaq.</p> <p><i>Imm. 6.</i> Kommunalbestyrelse isumaginninnikkut misissuineq tunngavigalugu ikiorsiinissamik aallartitsisoqarnissaanut tunngavissaqarnersoq aalajangiissaaq.</p> <p><i>Imm. 7.</i> Isumaginninnikkut misissuineq pillugu maleruagassanik erseqqinnerusunik Naalakkersuisut aalajangersaassapput, tassunga ilanngullugit misissuinerup ingerlanneqarnera, ilusaa imarisaalu pillugit kiisalu isumaginninnikkut misissuinerup suliarineranut naammassineqarnissaanullu piffissaliuussinermik piunasaqarneq.</p> | |
| | <p>19. Kapitali 14-ip kingorna ikkunneqassaaq:</p> <p style="text-align: center;">”Kapitali 14 a <i>Meeqqanut ilaqutariinnullu sullissiviit kiisalu ilaqutariit illui</i></p> <p>§ 55 a. Kommunini tamani meeqqanut ilaqutariinnullu sullissivinnik ikinerpaamik ataatsimik pilersitsisoqarlunilu ingerlatsisoqassaaq. Meeqqanut ilaqutariinnullu sullissivik</p> |

kommunalbestyrelsimit pilersinneqarlunilu ingerlanneqassaaq.

Imm. 2. Kommunalbestyrelse najugaqarfinni 1000-t sinnerlugit inulinni meeqqanut ilaqutariinnullu sullissivimmik sulii pilersitsiffiunngitsumi, ilaqutariit illuinik pilersitsillunilu ingerlatsissaaq.

Imm. 3. Kommunalbestyrelse najugaqarfinni 1000-t ataallugit inulinni ilaqutariit illuinik pilersitsillunilu ingerlatsisinnaavoq.

Imm. 4. Meeqqanut ilaqutariinnullu sullissiviit aamma ilaqutariit illui meeqqanut ilaqutaanullu kiisalu angajoqqaangortussanut pitsaaliuinermik katsorsaanermillu neqerooruteqartarnissaat siunertaavoq, tassunga ilanngullugit § 20 malillugu siunnersuineq, § 21, imm. 4, nr. 1 malillugu ikiorsiinissamik suliniuteqarneq imaluunniit § 23 malillugu angajoqqaat akisussaaffii pillugit oqaloqatigiinnernik malinnaatitsineq imaluunniit § 24 malillugu meeqqanik oqaloqateqarneq.

Imm. 5. Naalackersuisut meeqqanut ilaqutariinnullu sullissiviit aamma ilaqutariit illui pillugit sukumiinerusumik malittarisassaliorsinnaapput, tassunga ilanngullugit:

- 1) Innersuussineq aamma saaffigisat.
- 2) Neqeroorutini piunasaqaatit minnerpaaffissaminiittut.
- 3) Pisortanik oqartussaasunik, paaqqinnittarfinnik, katsorsaanissamik neqerooruteqartartunik aamma suleqataasunut namminersortunik suleqateqarnerit.
- 4) Najugaqatigiiffinnik meeqqanut ilaqutariinnullu sullissivinnut atassutilinnik pilersitsinerit ingerlatsinerillu.
- 5) Meeqqat illuinik meeqqanut ilaqutariinnullu sullissivinnut atassutilinnik pilersitsinerit ingerlatsinerillu.

| | |
|--|--|
| | <p>6) Qimarnguinnik meeqqanut ilaqtariinnullu sullissivinnut atassutilinnik pilersitsinerit ingerlatsinerillu.</p> <p style="text-align: center;">Kapitali 14 b <i>Allaffissorneq</i></p> <p>§ 55 b. Inatsisartut inatsisaata matuma allaffissornikkut ingerlanneqarnissaanut kommunit aamma Naalakkersuisut pisortani IT-kkut ataatsimoorussamik aaqqissuussamik atuissapput.”</p> |
| | <p>20. Kapitali 16-ip kingorna ikkunneqassaaq:</p> <p style="text-align: center;">”Kapitali 16 a <i>Kisitsisitigut naatsorsueqqissaarneq</i></p> <p>§ 60 a. Kommunalbestyrelse kisitsisitigut paasissutissanik assigisaannillu, Naalakkersuisut noqqaassutigisaannik, nassiussinissamik pisussaaffeqarpoq.</p> <p><i>Imm. 2.</i> Kisitsisitigut paasissutissat assigisaallu nassiunneqartussat annertussusissaannut malittarisassanik aamma taakku qanoq nutarterneqartassanersut nassiunneqartassanersullu pillugit imm. 1 malillugu Naalakkersuisut aalajangersaasinnaapput.”</p> |
| | <p style="text-align: center;">§ 2</p> <p>Inatsisartut inatsisaat 1. januar 2024-mi atortuulersinneqassaaq.</p> |

Ilanngussaq 2

Tusarniaanermi oqaaseqaat

Uunga siunnersuut: Meeqqat tapersorneqarnissannut Inatsisartut Inatsisaata allanngortinneqarnissaa

Siunnersuut piffissami 31. marsi 2023 - 5. maaji 2023 tusarniaassutigineqarpoq. Tamatuma saniatigut siunnersuut tusarniaanermut nittartakkami www.naalakkersuisut.gl-imi piffissami tassani tamanut saqqummiunneqarpoq.

Tullinnguuttut tusarniaanermut akissuteqarput:

Kommuneqarfik Sermersooq – Meeqqanut Ilaqutariinnullu Ingerlatsivik, Kommune Qeqertalik, Aningaasaqarnermut Naligiissitaanermullu Naalakkersuisoqarfik, Meeqqat illersuisuat MIO, Nunatsinni Inuit Pisinnaatitaaffii pillugit Siunnersuisoqatigiit, Kalaallit Meerartaat, UNICEF Kalaallit Nunaanni, Innarluutillit illersuisuat TILIOQ, Avannaata Kommunia, Qeqqata Kommunia.

Tullinnguuttut oqaaseqaateqqanngillat:

Nunanut Allanut, Inuussutissarsiornermut Niuernermullu Naalakkersuisoqarfik, Isumaginninnermut, Suliffeqarnermut Nunamullu Namminermut Naalakkersuisoqarfik.

Teknikikkut aamma oqaatsitigut kukkunerit amigaatillu pillugit oqaaseqaatit oqaaseqarfigeqqeqqaarnagit siunnersummut ilanngunneqarput. Tusarniaanermut akissutit tiguneqartut oqaaseqaatitallit siunnersuutip atortunut imarisaanut tunngasut allanngortinnagit ilanngunneqarput, naalakkersuisoqarfiullu oqaaseqaatai uingasumik allataapput.

Tusarniaanermut akissutit:

1. Kommuneqarfik Sermersooq, Meeqqanut Ilaqutariinnullu Ingerlatsivik

”Nalinginnaasumik oqaaseqaatit:

Meeqqanut Ilaqutariinnullu Ingerlatsiviup (MI) iluarissagaluarpaa ilutigalugu inatsimmi atuuttumi piffissarititaasut ilaasa misissorneqarnissaat naleqqussarlugillu– pingaartumik § 45-p sulinerimik ingerlatsinerimik naammassineqarnissaa ajornakusoortutut misiginarmat. Allannguutissatut siunnersuutit amerlasuut sammeneqartumi annertuneroqisumik suliaqarnermik kinguneqarput. Ingerlatsiviup iluarissagaluarpaa piuminarnerulersitsineq ukkatarineqarnerusimasuuppat, taamalu suliaqarnerit allanut naleqqiullugit annikinnerulersinnaallutik, MI-p inatsisiliornerup tunulequtaani anguniagaq pitsaasoq akueriniarlugu kissaatigimmagu.”

Akissut: Oqaaseqaat tiguneqarpoq. Meeqqat tapersorneqarnissaannut Inatsisartut Inatsisaat annertoovujussuuvog inatsisissatullu siunnersuummut matumunnga atatillugu inatsimmi tamarmi aalajangersakkat qanimut nalilersorneqanngillat. Piffissarititaasut

piuminarnerulersitsinerlu pillugit oqaaseqaatit ilanngunneqassapput kingusinnerusukkut Meeqqat tapersersorneqarnissannut inatsisip allannguutissai suliarineqalerpata.

”Siunnersuummi allassimavoq, at ”meeqqamut angerlarsimaffiup avataanut inissitamut kommunalbestyrelsep allatamik iliuusissamut pilersarusiornissaa pillugu aalajangersagaq aningaasatigut aqutsinikkullu annertunerusumik kinguneqassanngilaq, tassami inatsimmi atuuttumi § 46, imm. 4-meereermata.”. Naliliineq taanna MI-p annertuumik isumaqatiginngilaa. Aningaasatigut kingunerisat allaaserinerini puigorneqarsimagunarpoq massakkut inunnik tapersersortiliinissaq neqeroorutigineqartussanngormat angajoqqaatut oqartussaassusilinnut tamanut meeqqaminnik angerlarsimaffimmi avataanut inissiiffigineqartunut. Inatsimmut massakkut atuuttumut allanngortitsineruvoq annertoq.”

Akissut: Tusaatissatut tiguneqarpoq. Inummik tapersersortissamik aamma angajoqqaatut oqartussaassusilinnut iliuusissamik pilersarusiortoqarnissaanut aalajangersagaq inatsisissatut siunnersuummit peerneqarpoq. Iliuusissatut pilersaaruteqartoqarnissaanut piunasaqaat angerlarsimaffimmi isumassuineranut avatangiisit pitsaanerulersinneqarnissaat anguniarlugu meeraq pillugu iliuusissamut pilersaarummi erserpoq. Piunasaqaat taanna allatut itisilernerqarumaarpoq.

”Oqaaseqaatit immikkut ittut:

Ataani allanngortitsinissamut siunnersuutit 16-usut ataasiakkaarlugit sammineqarput.

Allannguutissatut siunnersuut nr. 1

MI isumaqarpoq pisumi uani allaffissornikkut ingerlanneqarnissaannik nakkutilliineq sumut tunngasuunersoq erseqqissuunngitsoq. Tassami MI naliliivoq tamatuma qanoq sulinerimi imaqaarnissaannik erseqqissaanissaq pisariaqartinneqartoq, ilaatigut nakkutilliinerit taakku qanoq akulikitsigisumik pisassanersut aamma Tilsynsenheden (Nakkutilliinermik ingerlatsivik) ilanngunneqartassanersoq. MI-p iluarissagaluarpaa meeqqat tapersersorneqarnissaannut inatsit malillugu oqariartaatsimut ”ineqarfii”-nut suut atanersut erseqqissarneqartuuppat.

Akissut: Nakkutilliinermut malittarisassat erseqqinnerusumik aalajangersarneqarput Namminersorlutik Oqartussat isumaginninnermik nakkutilliineq pillugu nalunaarutaanni, tak. meeqqat tapersersorneqarnissaat pillugu Inatsisartut Inatsisaanni § 8, imm. 6. Meeqqat tapersersorneqarnissaat pillugu Namminersorlutik Oqartussat nalunaarutaat allanngortitsinissamut siunnersuut manna tunngavigalugu nutarterneqassaaq.

”Ineqarfii” tassaapput utaqqiisaasumik ineqarnissamut neqeroorutit ilaqutariinnut sullissivinnut atassuteqartut meeqqat tapersersorneqarnissaannut inatsit naapertorlugu tapersersorneqarnissamut neqeroorutinut atatillugu. Immikkut nalunaarut ilaqutariinnut sullissiviit, taakku ataanni ineqarfii, pillugit malittarisassat sukumiinerusumik imaqartut suliarineqassapput.

”[...]

Allannguutissatut siunnersuut nr. 7

MI nalilivoq ”utaqqiisaasumik aaqqiineq” meeqqamut/inuusuttumut peqqinnangitsoq taamaattumillu akulikitsumik aaqqiinerusooq pitsaasuunngitsoq. Meeraq/inuusuttoq sinaakkutinit toqqissisimananngitsuneersooerpoq, tamaattumillu pisariaqanngitsumik nuunnerit amerlasuut meeqqamut annertunerusumik toqqissisimannginnermik nassataqassaaq. MI-p iluarissagaluarpaa akerlianik § 33-p naammassineqarnissaa annertunerusumik ukkatarineqartuuppat, taamalu qulakkeerneqarluni pisortat ulloq unnuarlu paaqqinniffiini eqqortumik naammattunik inissaqarneq.”

Akissut: Oqaaseqaat tusaatissatut tiguneqarpoq, kisianni siunnersuummi allanngortitsinermik kinguneqassanngilaq. Meeqqap utaqqiisaasumik aaqqiivigineqarnissaanut pitsaanerpaamik toqqaanissamut pisariaqarsinnaavoq. Utaqqiisaasumik aaqqiineq isigineqartariaqarpoq kingusinaarluni aaqqiinnermit pitsaanerussasooq meeqqap ulloq unnuarlu paaqqinniffimmut inissinneqartariaqarnerani.

”[...]

Allannguutissatut siunnersuut nr. 12

MI-p isumaginninnermi sulianik misissuinissamik suliaqarnerup pingaarutaa akuersaarpaa. Ullumikkut meeraq angajoqqaalluunniit pillugit paasissutissat meeqqap angajoqqaalluunniit najugarfiata qanigisaanni ilaqutariinnik sullissivik ikiortigalugu pissarsiarineqartarput.

[...]

Allannguutissatut siunnersuut nr. 14

46 a. MI-p nuannaarutigaa meeqqap angerlarsimaffiup avataanut inissinneqarnerani ilaqutariit tamarmiusut ukkanneqarnerulissammata. Kisianni tassunga atatillugu MI-p angajoqqaanut tapersersortimik neqeroorutip “neqeroorutigineqassasooq”-mik taaneqarsimanera tupigusuutigisinnaavaa. Pisut arlalippassuit eqqarsaatigineqarsinnaapput tapersersorteqarnermik suliniuteqarnerup eqqortuunnginneranik.

Ullumikkut MI meeqqanut aamma inuusuttunut ulorianartumi inissisimasunut tapersersortinik annertuumik amigateqarpoq, aamma tapersersortinik pissarsisinnaaneq nalinginnaanngitsumik ajornakusoorpoq. Massakkorpiaq MI tapersersortinik 29-nik amigaateqarpoq. Taamaalilluni suliaqarnermi MI-mut ajornavippoq angajoqqaat meeqqanut 400 sinnerlugit amerlassusilinnut angerlarsimaffimmik avataanut inissinneqarsimasunut tapersersortissamik neqeroorfigissallugit.

46 a, Imm. 2,3,4,5 aamma 6: MI-p paasiuminaatsippaa angajoqqaatut oqartussaassusilinnut tamanut angerlarsimaffiup avataanut inissitanik meeralinnut ataasiakkaarlugit iliuusissanik pilersaarusiortoqassamat. Kommuneqarfik Sermersuumi sulianik ingerlatsisut massakkorpiaq iliuusissatut pilersaarutit amerlassusaat piffissaq eqqorlugu pitsaasumik suliarinissaannut ajornakusoortitsippat. Iliuusissatut pilersaarutit amerlassusaannik marloriaatinngortitsineq suliassaavoq suliaqarnermi piviusumi kivinneqarsinnaanngitsoq.

Aamma assinganik naleqqutinngitsumik piunasaqaataarpassippoq suliamik ingerlatsisut iliuusissanut pilersaarummi inatsisit allarpassuit angajoqqaatut oqartussaassusillit tapersersorneqarfigisinnaasaat ilannguttalissappatigit. Tassami inatsit ateqarpoq meeqqat tapersersorneqarnissaannut Inatsisartut Inatsisaat, imaanngitsoq meeqqat inersimasullu tapersersorneqarnissaannut Inatsisartut Inatsisaat. Siunertarisamut naleqqiullugu – tassa angerlarsimaffimmi isumassuinermit avatangiisit tapersersorneqarnissaannut sulisoqartariaqartoq, MI isumaqataalluinnarpoq. Kisianni tamakku tamarnik meeqqamut iliuusissanut pilersaarummi allassimasariaqarput. Taamaalluni allannortitsinermit tassani suliasatut nammakkat nalilerneqarput naleqqutinngilluinnartumik pisariaqanngitsumillu annertoqisut.”

Akissut: Tusaatissatut tiguneqarpoq. Tapersersorti aamma angajoqqaatut oqartussaassuseqartunut iliuusissatut pilersaarut pillugit aalajangersagaq inatsisissatut siunnersuummit peerneqarpoq. Iliuusissatut pilersaarummik piunasaqaat angerlarsimaffimmi isumassuinermit avatangiisit pitsaanerulersinneqarnissaannik ukkataqartoq meeraq pillugu iliuusissatut pilersaarummi takuneqarsinaavoq. Piunasaqaat taanna allatut itisilerneqarumaarpoq.

”Allannguutissatut siunnersuut nr. 15

§ 55 a. MI allannortitsinermit tassunga pingaarutilinnik oqaaseqaatissaqanngilaq. Kisianni ilimagineqarpoq kommunit allat innuttaasut amerlassusaannut piunasaqaatit taama sukannertigisut naammassinissannut ajornakusoortissagaat. Kisianni MI-p assut tupigusuutigaa Naalakkersuisut pisariaqartimmassuk ilaqutariinnik sullissiviit kikkunnik suleqateqarnissaannik malittarisassanik sukumiinerusunik aalajangersaanissamut pisariaqartitsimmata, - pisortat soorlu aamma namminersorlutik sullissisut, tak. imm.4.,nr 4. MI-p nalilerpaa ilaqutariinnik sullissiviit nammineerlutik tamanna aalajangersinnaagaat.

§ 55 b. MI aallaavittut allannortitsinermit tassunga pingaarutilinnik oqaaseqaatissaqanngilaq. Kisianni oqaaseqatigiinni erseqqissumik allassimanngilaq IT-kkut ataatsimoorussamik aqqissuussap sorliup atorneqarnissaanut kina aalajangiisuussanersoq, aamma pisortani it-kkut ataatsimoorussamik aqqissuussami allannguisoqassappat kina aalajangiisuussanersoq/aalajangiisinnaanersoq, suleqatigiit arlaata kissaatigissagaluarpagu.”

Akissut: Namminersorlutik Oqartussat kommunillu akornanni IT-kkut ataatsimoorussamik aqqissuussamik suleqatigiilluni pilersitsoqareerpoq. IT-kkut aqqissuussaq pilersitaq, Get Organized, Meeqqanut app-ilik kommunini tamangajanni atorneqarpoq. Aalajangersakkami allassimavoq IT-kkut ataatsimoorussamik aqqissuussaq kommuninit tamanit atorneqassasoq.

”Allannguutissatut siunnersuut nr. 16

Siunnersuut taanna piunasaqaatitut naleqquppasinngitsutut saqqummerpoq. IT-kkut ataatsimoorussamik aqqissuussaq ataaseq atorneqassappat, tak. allannguutissatut siunnersuut

nr. 15, taava aaqqiinertut pitsaanerorpasippoq Naalakkersuisut teknikkikkut pisinnaatissallugit, paasissutissat pisariaqartitativit qaquguluuniit aasinnaangorlugit. Minnerpaatut sukumiinerusumik malittarisassat aalajangersarneqartariaqarput Naalakkersuisut paragrafimik taassuminnga atuinerannik killiliisunik piffissaq (immaqa kvartalimut ataasiarluni), aamma imarisat (paasissutissat qanoq ittuussasut) eqqarsaatigalugit.”

Akissut: Inuit pillugit paasissutissat inatsisitigit illersorneqarnerat eqqarsaatigalugu Naalakkersuisut nammineerlutik kommunini inuk pillugu paasissutissanik isertuuttariaqartunik aallersinnaanngillat. Aalajangersakkami imm. 2-mi naatsorsueqqissaarnikkut paasissutissat assigisaallu qanoq annertutiginnissaat malittarisassaliunneqassasut aalajangerneqarpoq.

2. Kommune Qeqertalik

”§ 1 pillugu

6. § 33, imm. 2 pillugu Kommune Qeqertalik isumaqarpoq nuna tamakkerlugu qitiusumik utaqqisunik allattorsimaffiup suliaasaanik aamma pingaarnersiuinermik periaatsimik erseqqissaaneq amigaatasoq. Ajunngilaq soorlu meeqqat atualinnginneranni utaqqisunik allattuiffinnik pingaarnersiuineq pillugu inatsisiliortoqarnera assigalugu iliortoqarpat. Imaalerluni nuna tamakkerlugu qitiusumik utaqqisunik allattorsimaffik pisussaaffeqassasoq, tunngavilersukkamik kinaassusersiunngitsumik tunngavilimmik aalajangiisarnissamut utaqqisunik allattorsimaffik kommunit tamarmik akornanni avitsiffiummat. Naak ulloq unnuarlu paaqqinniffiit ilaanni inissanik atuinerit 62%-itut aamma 76%-itut appasitsigigaluartoq. Kommune Qeqertaliup aamma kissaatigaa erseqqissaanermi DUT-imik kingunerisat naatsorsorneqassasut.”

Akissut: Tusaatissatut tiguneqarpoq. Nalunaarummi misissuineq pillugu sukumiinerusumik malittarisassaliortoqassaaq. Sulisaatsimut atuuttumut erseqqissaanerummat erseqqissaaneq pillugu DUT-imik naatsorsuisoqassanngilaq. Meeqqap utaqqiisaasumik inissinneqarnissaanut kommunep sulissutiginninnissaanik erseqqissaaneq nutaanik imaluunniit aningaasatigit annertunerusumik kommunep pisussaaffeqarnissaanik kinguneqassanngilaq.

”11. § 44, imm. 2 pillugu Kommune Qeqertalik isumaqarpoq aamma DUT-mik nalunaajaasiortoqassasoq Najortip Kalaallit Nunaanni kommuninut tunisaasa amerlassusaat tunngavigalugit.”

Akissut: Aalajangersagaq ima allanngortinneqarpoq DUT-mik nalunaajaasiornissaq tunngavissaqarnani.

”12. § 45, imm. 2 pillugu, Kommune Qeqertalik qujavoq kommunit akornanni suliassanik qinnuteqarnissamut agguasinnaanermullu periarfissamut, tassa illutigut atugarititaasut pissutigalugit suliassaq kommunimit angerlarsimaffittut akisussaasumit suliarineqarsinnaannginnera apeqqutaassanngimmat.”

Akissut: Imaanngilaq suliassaq kommunimut allamut agguanneqassasoq, kisianni ikiorneqarnissamut qinnuteqarneq pineqarpoq. Suli kommunip angerlarsimaffiusup suliassaraa isumagininnermi pissutsinik misissuinnermik ingerlatsissalluni. Ikiorisineq tassaasinnaavoq ilaqutariinnut sullissivimmu paasisutissanik piniarneq aamma ilaqutariinnik sullissivimmik suleqateqarneq, kisianni imaanngilaq ilaqutariinnut sullissivik isumagininnermi pissutsinik misissuinnermik ingerlatsissasoq. Aalajangersakkamut oqaseqaatit itisilerneqarput.

”14. § 46a, imm. 1-imi paasinarsivoq kommunalbestyrelse angajoqqaatut oqartussaassusilimmu tapersortimik neqerooruteqassasoq meeqqap angerlarsimaffiup avataani inissineqarneranut atatillugu. Kisianni inatsisip oqaasertaani imaluunniit oqaaseqaatini ersersinneqanngilaq tapersersorti qanoq ittoq pineqarnersoq, aamma tapersersortip angajoqqaat ilagalugit suna sularissaneraa.

§ 46a, imm. 2 pillugu, Kommune Qeqertalik isumaqarpoq isiginniffik nutaaq iluarinartuusoo angajoqqaat pisinnaasaat sulianut ilaatissallugit aamma inersimasut ukkatarineqarnerat taamaallat inuk ataaseq aamma meeraq kisiat ukkatarinagu.

§ 46a, imm. 5 pillugu Kommune Qeqertalik kissaateqarpoq “iliuusissatut pilersaarummut attuumassuteqartunik” suunerinik erseqqissaasoqassasoq.”

Akissut: Tapersersorti aamma angajoqqatut oqartussaassuseqartunut iliuusissamik pilersaarusiortoqarnissaa pillugit aalajangersagaq inatsisissatut siunnersuummit peerneqarpoq. Iliuusissatut pilersaarummut piunasaqaat angerlarsimaffimmi isumassuinnermut avatangiisit pitsaanerulersinneqarnissannik ukkataqartoq meeqqamut iliuusissatut pilersaarut pillugu aalajangersakkami erserpoq. Piunasaqaat taanna allatut itisilerneqarumaarpoq.

”15. §55 a. pillugu Kommune Qeqertalik qujavoq Naalakkersuisut Kommune Qeqertaliup periaasaa Single-Point-Of-Contact Qaammaavik kommunalbestyrelsimeersoq aggusti 2022 nassiunneqartoq ilassimmaassuk.

16. § 60 a pillugu Kommune Qeqertalik qinnuteqarpoq missiliuussinerup annertussusilenera aalajangerneqassasoq aamma taakku nassiunneqarnissaannut piffissaliineqassasoq, imaalerluni kommunit tunngassuteqartut nassaarisinnaassamatigit annertussusaat erseqqissarneqartut tunngavigalugit.”

Akissut: Suliamut ilanngunneqanngilaq. Aalajangersakkami imm. 2 naapertorlugu Naalackersuisut malittarisassani aalajangersaasinnaapput naatsorsueqqissaarnikkut paasisutissat assigisaallu qanoq annertutigissanersut pillugit. Malittarisassani taakkunani pisariaqartinneqarpat ilanngunneqarsinnaassapput naatsorsueqqissaarnikkut paasisutissat assigiimmik akuttussusilimmik nassiunneqartarnissaannik aalajangersakkat.

3. MIO - Meeqqat Pisinnaatitaaffinut Sullissivik/Grønlands Børnerettighedsinstitution

”Oqaaseqaatit nalinginnaasut

Meeqqat tapersorsorneqarnissat pillugu Inatsisartut Inatsisaannut allannguutissatut siunnersuutit Meeqqat Illersuisuata ilassilluarpai, taakkunatigummi misilinneqarmat meeqqamut pitsaanerpaaq anguniassallugu aallaqqaataaniit inatsimmut naleqqiullugu, taamalu Kalaallit Nunaanni meeqqat pisinnaatitaaffiinik pitsaanerumik malinninnissamut qulakkeereqataassalluni. Kisianni MIO aalajangersakkanut arlalinnut erseqqissaanernut siunnersuuteqarpoq, massakkut oqaasiliorneqarsimanerisigut meeqqamut pitsaanerpaaq qitiutinneqanngimmat.

Kisianni MIO isumaqarpoq nalilissallugu ajornakusooqisoq allannguutissatut siunnersuutit naammattumik meeqqat pillugit suliat passunneqarnerisa pitsaanerulernissaannut, aamma meeqqat inuusuttullu pitsaanerumik atugarissaarnissaannut ilanngussisinnaanersut. Tassami nassiunneqartutigut erseqqinngimmat inatsisip allanngortinneqarnissaanut suliaqarnerup ingerlanerata ineriartorneranut aamma kikkut suliaqarnerup ingerlaneranut peqataasimanersut. MIO isumaqarpoq inatsisip allanngortinneqarnissaanut siunnersuut ilisarnaquteqartoq suleqataasinnaasut attuumassuteqartut suliaqarnerup ingerlanerani ilaatinneqarsimanngininnerannik, aamma MIO annertuumik isorinnippoq inatsisip allanngortinneqarnissaanut siunnersuummi suliaqarnerup ingerlanera aamma inatsisip allanngortinneqarnissaata pisariartinneqarnera erseqqissarneqanngimmat. Assersuutigalugu suliaqarnerup ingerlaneranut MIO ilanngutitinneqarsimannigilaq, naak MIO meeqqanit ilaqutariinnilu namminernit annertoqisumik ilisimasaqaraluartoq allanngortitsinissamut tunngassuteqartunik. Tamatuma saniatigut aamma inuit inatsisissatut siunnersuummit toqqaannartumik eqqorneqartut – tassa meeqqat ilaqutaallu – ilaatinneqarsimarpasinngillat. Tamanna pivoq naak Naalagaaffiit Peqatigiit Meeqqat Pisinnaatitaaffii pillugit Isumaqatigiissutaanni immikkoortoq 12-mi allassimagaluartoq naalagaaffiit peqataasut pisussaatinneqartut pissutsini tamani meeqqanut tunngasuni meeqqat ilaatinneqartassasut aamma meeqqap isumaa naleqquttumik pingaartinneqartassasoq.”

Akissut: Tusaatissatut tiguneqarpoq.

”Siunnersuummi immikkoortut ataasiakkaat pillugit oqaaseqaatit

Immikkoortoq 1

§ 8-mi imm.3-p kingorna nutaatut ikkunneqassaaq:

” Imm. 4. Ilaqutariinnut sullissivinnik, ilaqutariit illuinik, najugaqarfinnik, meeqqat illuinik aamma qimarnguinnik kommuniniittunik ingerlatsinermut sammitititamik kommunalbestyrelsit nakkutilliisassapput.”

Oqaaseqaat:

MIO-p iluarisimaarpaa inatsimmi erseqqissarneqarmat aamma ilaqutariinnut sullissivinnik, ilaqutariit illuinik, najugaqarfinnik, meeqqat illuinik aamma qimarnguinnik kommuniniittunik ingerlatsinermut sammitititamik nakkutilliisoqartassamat. Kisianni MIO-p tupigusuutigaa pisussaaffiup taassuma kommunalbestyrelsiinnersa allanut atassuteqanngitsuniinnani soorlu tilsynsenheden (nakkutilliinermi ingerlatsivimmi). Kommune imminut nakkutigissappat navianaataasinnaavoq nakkutilliineq sumiiffimmi isiginniffimmit naliliinernillu sunnerneqassasoq, meeqqanut pitsaanerpaq taarserlugu. Tamatuma saniatigut inatsimmi erseqqissarneqanngilaq qanoq akulikitsigisumik nakkutilliisoqartassanersoq, tamannalu erseqqissarneqartariaqarpoq.”

Akissut: Ilangunneqanngilaq. Kommunalbestyrelse najugaqatigiiffeqarfinnik najukkanillu illersukkanik innarluutilinnoortunik, kommunalbestyrelsemit pilersinneqarlutillu ingerlanneqartunik nakkutilliisooreerpoq, tak. Namminersorlutik Oqartussat isumaginniffeqarfimmik nakkutilliineq pillugu nalunaarutaanni § 39. Taamaattumik pissusissamisoorpoq kommunalbestyrelse nammineq ilaqutariinnut sullissivinnik il.il. kommunalbestyrelsemit pilersitanik ingerlanneqartunillu nakkutilliissamat. Isumaginniffeqarfimmik nakkutilliineq pillugu Namminersorlutik Oqartussat nalunaarutaat kommunalbestyrelsip nakkutilliineranut sukumiinerusumik piunasaqaatit pillugit nutarterneqassaaq.

”Immikkoortoq 2

§ 14 imatut oqaasertalerneqassaaq:

”§ 14. Kommunalbestyrelsip noqqaaneratigut Isumaginninnermut Aqutsisoqarfik kommunip suliassaanik ukununga tunngasunik ikiuussinnaavoq:

- 1) isumaginninnermi sulianik misissuineq, tak. § 45,*
- 2) ikiorsiinissamik suliniuteqarnerit, tak. kapitali 7,*
- 3) ikiorsiinissamik suliniuteqarnerit immikkut ittut, tak. kapitali 8,*
- 4) ikiorsiinissamik suliniuteqarnerit sukannernerit, tak. kapitali 9, aamma*
- 5) ikiorsiinissamik suliniuteqarnerit suliniuteqarnerullu kingorna malitseqartitsinermik unitsitsineq, tak. kapitali 11.*

Imm. 2. Imm. 1 takuuk, ilitsersuinikkut, siunnersuinikkut siunnersuinikkullu suliani Isumaginninnermut Aqutsisoqarfik ikiuussinnaavoq.”

Oqaaseqaat:

Iluarinaruuvuq Isumaginninnermut Aqutsisoqarfiup atuuffia inatsimmi erseqqissarneqarmat ima oqaasertalerlugu Isumaginninnermut Aqutsisoqarfik ’kommunip suliassaanik ikiuussinnaavoq’ una pinnagu ’suliaqassaaq’. Oqaaseqaatini nalinginnaasuni allanngiineq

tunnjavilerneqarpoq aalajangersagaq atuuttoq Isumaginninnermut Aqutsisoqarfiup akisussaaffiata suuneranik qulalersitsimmat. Allangortitsineq sulianik ingerlatsinermik pitsaanerusumik taamalu meeqqamut pitsaanerpaamik siuarsaassappat pisariaqarpoq suliamut akuusut tamarmik akisussaaffimminnik paasinnissasut aalajangersakkamut erseqqissarneqartumut atatillugu taamalu akisussaaffimminnik tigusillutik.

Immikkoortoq 7

§ 33-mi imm. 1-ip kingorna immikkoortoq nutaaq ikkunneqassaaq:

“ Imm. 2. Kommunalbestyrelse meeraq Namminersorlutik Oqartussat ulloq unnuarlu paaqqinnittarfiutaasa ilaannut qitiusumik utaqqisunut allattorsimaffimmiittumut utaqqiisaasumik aaqqiissummik nassaartussaataavoq.”

Oqaaseqaat:

Kommunalbestyrelsep meeqqamut utaqqiisaasumik aaqqiissummik pisussaaffianut atatillugu MIO-p erseqqissarusuppaa pingaaruteqaqimmat piumasarineqassasoq utaqqiisasumik aaqqiineq qanoq ittoq meeqqamut pitsaanerpaassanersoq. Tassani meeqqap nammineq kissaatigisai pisariaqartitaalu, qanittumiittumut attuumassuteqarnera, meeqqap immikkut pisariaqartitai, meeqqap angajoqqaaminut atassuteqarnera il.il. eqqarsaatigineqassapput. Kiisalu aamma anguniarneqassaaq utaqqiisaasumik inissinneqarneq tassaassasoq suliniut meeqqamut annikinnerpaamik akuliunnerusoq. Ilisimatuussutsikkut misissuinerit assersuutigalugu takutippaat meeqqanut amerlasuunut ilaqutarsianut inissinneqarneq ulloq unnuarlu paaqqinniffinnut inissinneqarnermiit annikinnerusumik akuliunnerusartoq. Kommunalbestyrelsit meeqqanik utaqqiisaasumik inissiinerminni tamanna eqqarsaatigisariaqarpaat. Saniatigut inissiinernut allatut periarfissat suliniutillu pitsaassusaannut piunasaqaateqartariaqarpoq.”

Akissut: Ilaatigut ilanngunneqarpoq – aalajangersakkamut oqaaseqaatit itisilerneqarput.

”Immikkoortoq 11

§ 44, imm. 2 imatut oqaasertalerneqassaaq:

“ Imm. 2. Meeqqat angajoqqaatut oqartussaassusilimmit akuerineqanngitsumik angerlarsimaffiup avataanut inissinneqartut, tak. § 28, meeqqanik illersuisulerneqartassapput.”

Oqaaseqaat:

MIO-p iluarisimaarpaa meeqqap isumaata pingaassusaa erseqqissarneqarmat angajoqqaanit akuerineqanngitsumik inissiinermi meeqqanik illersuisuliinikkut. Kisianni MIO-p erseqqissarniarpaa meeqqap isumaa inissiinerni qanorluunniit ittuni tamani pingaaruteqaqimmat. Taamaattumik MIO kaammattuivoq inatsimmi erseqqissarneqassasoq inissiinerni tamani meeqqat tamarmik meeqqamik illersuisulerneqartassasut, tak. Naalagaaffiit Peqatigiit Meeqqat Pisinnaatitaaffii pillugit Isumaqaatigiissutaanni immikkoortoq 12.”

Akissut: Ilaatigut ilanngunneqarpoq. Aalajangersagaq allanngortinneqarpoq imaalerluni § 27 naapertorlugu meeqqat tamarmik akuersissutigineqartumik inissinneqartut meeqqat illersuisoqarnissaannut neqeroorfigineqarnissaat pisussaaffigineqartoq.

”Immikkoortoq 12

§ 45-mi imm. 2-p kingorna immikkoortoq nutaaq ikkunneqassaaq:

” Imm. 3. Kommunalbestyrelse isumaginninnermi sulianik misissuinissamut atugassanik meeqqap angajoqqaalluunniit qanigisaanni ilaqutariinnik sullissivimmu ikioqqusinnaavoq.”

Oqaaseqaat:

Kommuninut ajornakusooreerpoq isumaginninnermi suliani misissuinissamut meeqqanut tunngasuni tamani piffissaatillugu suliaqarnissamut, sulisut amigarneri pissutigalugit, MIO-llu erngummatigaa oqartussat aalajangersakkatigut nutaatigut akisussaaffimmi ilaa iperassagaat. Ilutigalugu nunami tamarmi ilaqutariinnut sullissivinni meeqqanut ilaqutariinnullu sullissinerit ajorneruleriaannaapput, aamma isumaginninnermi sulianik misissuinissap ineriartortinneranut peqataassagunik. Ilaqutariinnut sullissiviit suliassaraat meeqqat ilaqutariillu ikiussallugit taakkulu pisariaqartitaat aallaavigalugit sullisissallugit. Isumaginninnermi sulianik misissuinissaq oqartussat suliassaraat, akisussaaffillu taanna naammassisariaqarpaat. Ilaqutariinnut sullissiviit aamma meeqqat ilaqutaasalu akornanni tatigeqatigiinneq annikillisinnaavoq ilaqutariinnut sullissiviit suliassat oqartussaasut suliassaannik akoorneqassappata, MIO-llu erngummatigaa ’assannit kissartunit’ piffissaq annertoq isumaginninnermi sulianik misissuinissamut ikiuunnermut atorneqassasoq. Taamaattumik MIO-p kaammattuutigaa aalajangersagaq siunnersuutigineqartoq peerneqassasoq.”

Akissut: Aalajangersagaq aalajangiusimaneqarpoq. Susassaqarfuit akimorlugit meeraq pillugu suleqatigiinnissaq pingaartuuvoq. Kisianni aalajangersakkamut oqaaseqaatit itisilerneqarput erseqqissarlugu oqartussaasut isumaginninnermi sulianik misissuinissap suliarineqarnissaa akisussaaffigigaat aamma aalajangersakkakut ammaanneqassanngitsoq akisussaaffiup taassuma ilaqutariinnut sullissivinnut tunniunnissaa.

”Immikkoortoq 14

§ 46-p kingorna ikkunneqassaaq:

” § 46 a. Kommunalbestyrelsip meeqqap angerlarsimaffiup avataanut inissinneqarnerani angajoqqaatut oqartussaassusilimmu tapersersortimik neqerooruteqarfigissavaa.

Imm. 2. Kommunalbestyrelse meeqqap angerlarsimaffiup avataanut inissinneqartup angajoqqaavinut allakkiamik iliuusissatut pilersaarusiussaaq. Angajoqqaanut iliuusissatut pilersaarut meeqqamut iliuusissatut pilersaarusiassamut atatillugu suliarineqassaaq aamma meeqqap angerlarsimaffiani isumassuisut nukittorsarneqarnissaannut angajoqqaanut tapersersuinissaq siunertaavoq, taamaalilluni angerlarsimaffimmi isumassuinikkut pissutsit

ajornartitsinngippata aamma meeqqamik angerlarsimaffiup avataanut inissinneqartumik katsorsaaneq naammassineqareerpat meeraq angerlartissinnaaqullugu...

Oqaaseqaat:

MIO-p iluarisimaarpaa aalajangersakkami eqqarsaatigineqarsimammat meeqqap inissineqarnerani meeqqap angajoqqaavi pillugit sulisoqassasoq, imaalarluni angajoqqaani angerlarsimaffimmilu pitsaanerulerisitsisumik allannguuteqarpat meeraq angerlartinneqarsinnaasoq, tamanna meeqqamut pitsaanerpaajuppat. Kisianni MIOp angajoqqanut immikkut iliuusissamik pilersaarusiornissaq apeqquserpaa erngummatigalugulu aalajangersakkap taassuma meeqqamut pitsaanerpaaq taarsissaneraa. Kommuninut ajornakusooreerpoq meeqqanut tamanut iliuusissatut pilersaarutinik suliaqarnissamut pisussaaffimminnik naammassinninnissaminnut, siunissamilu aamma immikkut ittumik angajoqqanut iliuusissamik pilersaarusiussappata MIO-p erngummatigaa meeqqanut iliuusissatut pilersaarutit pitsaassusaannut sunniuteqassasoq. Meeqqamut pitsaanerpaaq tamatigut pingaarnerpaatinneqartassaaq, MIO-llu siunnersuutigaa angajoqqaanut iliuusissatut pilersaarutit meeqqanut iliuusissatut pilersaarutinut ilanngussatut suliarineqassasut, tamannalu periarfissaareerpoq. Tapersersorti aqutigalugu angajoqqaat sullinnerat eqqarsaatigalugu MIO-p iluarisimaarpaa inatsimmi angajoqqaanut sullissinermi tapersersuutaasinnasumik piviusumik iliuuseqarnissaq akisussaaffittut tiguneqarmat. Kisianni MIO-p maqaasivaa tapersersorteqarnerup sumik siunertaqarneranik aamma taassuma sumik akisussaaffeqarnissaanik erseqqissaaneq.”

Akissut: Tapersersorti aamma angajoqqaanut iliuusissamik pilersaarusiorneq pillugit aalajangersagaq inatsisissatut siunnersuummit peerneqarpoq.

”Immikkoortoq 15

Kapitali 14-ip kingorna ikkunneqassaaq:

” Kapitali 14 a

Ilaqutariinnut sullissiviit

§ 55 a. Kommunalbestyrelse illoqarfinni tamani 500-t sinnerlugit inulinni ilaqutariinnut sullissivinnik pilersitsillunilu ingerlatsissaaq.

Imm. 2. Kommunalbestyrelse illoqarfinni imaluunniit nunaqarfinni 500-t ataallugit inulinni ilaqutariinnut sullissivinnik pilersitsillunilu ingerlatsisinnaavoq.

Imm. 3. Ilaqutariinnut sullissiviit aamma ilaqutariit illui meeqqanik ilaqutaanillu aamma angajoqqaannngortussanut pitsaaliuineramik katsorsaanermillu neqerooruteqartarnissaat siunertaavoq, tassunga ilanngullugit § 20 naapertorlugu siunnersuineq, § 21, imm. 4, nr. 1 naapertorlugu ikiorsiinissamik suliniuteqarneq imaluunniit § 23 naapertorlugu angajoqqaat akisussaaffii pillugit oqaloqatigiinnernik malinnaatitsineq imaluunniit § 24 malillugu meeqqanik oqaloqateqarneq.

Imm. 4. Naalackersuisut ilaqutariinnut sullissiviit aamma ilaqutariit illui pillugit sukumiinerusumik malittarisassaliorsinnaapput...”

Oqaaseqaatit:

Ilaqutariinnut sullissiviit aamma ilaqutariit illuisa neqeroorutaat pingaaruteqarput meeqqap atugarisaasa isumagineqarnissaannut qulakkeerinissamut, tassami ilaqutariinnut sullissiviit aamma ilaqutariit illuisa suliassaasa pingaarnersarimmassuk meeqqat ilaqutariillu aamma angajoqqaanngortussat ikiussallugit. Taamaattumik aamma MIO-p iluarisimaarpaa inatsimmi ilaqutariinnut sullissiviit pillugit aalajangersagaq ilanngunneqarmat, tassanilu erseqqissarneqarpoq ilaqutariinnut sullissiviit meeqqat eqqarsaatigalugit suliassaat suunersut aamma ilaqutariinnut sullissiviit aamma ilaqutariit illui pillugit sukumiinerusumik malittarisassaliornissaq pillugu nalunaarusiortoqarnissamik aallarniilluni. Kisianni siunnersuummi taamaallaat allassimavoq Naalakkersuisut malittarisassanik sukumiinerusumik aalajangiisinnaasut 'imaanngitsoq aalajangiissasut'. Tassani MIO-p innersuussutigaa, Naalakkersuisut malittarisassat taakku tamakkiisumik akisussaaffigalugit sularissagaat '-ssasut' atorlugu '-sinnaasut' pinnagu, aamma malittarisassat taakku sularineranni suleqataasinnaasut attuumassutillit tamarmik ilanngunneqassasut – minnerunngitsumik meeqqat ilaqutariillu namminneq.”

Akissut: Aalajangersagaq massakut ilutsimigut aalajangiusimaneqarpoq. Nalunaarut inatsisip atuutilerana ilutigalugu atuutilersussaqaq piareersarneqarpoq.

”Immikkoortoq 16

Kapitali 16-ip kingorna ikkunneqassaaq:

”*Kapitali 16 a*

Kisitsisitigut naatsorsueqqissaarneq

§ 60 a. Kommunalbestyrelse kisitsisitigut paasissutissanik assigisaannillu, Naalakkersuisut piusarisaannik, nassiusinissamik pisussaaffeqarpoq.

Imm. 2. Kisitsisitigut paasissutissat assigisaallu nassiuqqartussat annertussusissaannut malittarisassanik aamma taakku qanoq nutarterneqartassanersut nassiuqqartassanersullu pillugit imm. 1 naapertorlugu Naalakkersuisut aalajangersaasinnaapput.”

Oqaaseqaatit:

MIO-p aalajangersagaq nutaaq iluarisimaarpaa. Nalaagaaffiit Peqatigiit Meeqqap Pisinnaatitaaffii Pillugit Isumaqatigiissutaa pillugu Kalaallit Nunaanni siornatigut Naalagaaffiit Peqatigiit misissuinerannut atatillugu meeqqat inuusuttullu Kalaallit Nunaanni tamarmi atugarissaarnerat pillugu kisitsisitigut naatsorsueqqissaarnikkut ilisimasaqarnerulernissaq, meeqqat inuusuttullu pisinnaatitaaffiinik nakkutiginninnissaq oqinnerulersinniarlugu aamma neqeroorutinik meeqqat atugarissaarnerannik siuarsaasunik ineriartortitsinissaq innersuussutigineqaqqammerpoq. Pisortat ataatsimut IT-mik aqqissuussinermik meeqqat tapersorneqarnissaannut Inatsisartut inatsisaannik aqutsinermut atorneqartussamik atuinerisigut kommunalbestyrelsinut kisitsisitigut naatsorsueqqissaarnikkut paasissutissanik nassitsinermik aalajangersakkamik naammassinnissinnaaneq ajornannginnerulissaaq, taakkunatigut suliniutit meeqqat atugarissaarnerannik pisinnaatitaaffiinillu nukittorsaasinnaasut ineriartortinneqarnissaannut ilanngussinnaassallutik.”

4. Inuit Pisinnaatitaaffii Pillugit Siunnersuisoqatigiit

”Nalinginnaasumik oqaaseqaatit

Ataatsimut isigalugu IPS-ip maluginiarppaa, allannguutissatut siunnersuutit pingaarnerusumik kommunalbestyrelsit immikkut pisussaaffiit tunngasuusut, kisianni assersuutigalugu Isumaginninnermut Aqutsisoqarfiup pisussaaffii erseqqinnginnerullutik. 7. §33, imm. 2-mi Utaqqisunut Qitiusumik Allattuiffik aqutitigalugu inissaqanngippat kommunalbestyrelse pisussaafilernerqarpoq utaqqiisaasumik aaqqiinernik nassaarnissamut. Inissamik taassuminnga pissarsinissamut Isumaginninnermut Aqutsisoqarfik piffissamik killiliiffigineqanngilaq, meeqqap pisariaqartitaanik naammassinnittussamik, oqaaseqaatini taamaallaat allassimavoq *piaarnerpaamik*, taannalu sukumiinerusumik nassuiarneqanngilaq. Utaqqiisaasumik aaqqiinerit meeqqap atugarisaanut naleqqiullugit pitsaanerpaanngillat. Naalakkersuisut isumaliutigisariaqarpaat pisussaaffiup taassuma Isumaginninnermut Aqutsisoqarfimmut inissinneqarnissaa tulluarnerussannginnersoq, taassumami nuna tamakkerlugu isigisinnaammagu minnerunngitsumillu nunami tamarmi ulloq unnuarlu neqeroorutitut innersuussinissamut pisinnaatitaalluni.”

Akissut: Aalajangersagaq massakkut ilutsimigut aalajangiusimaneqarpoq. Qitiusumik utaqqisunut allattuiffimmi meeqqamut inissaqartitsisoqanngippat aalajangersagaq atorpeqassaaq. Kommunalbestyrelse kommunemi innuttaasunut akisussaasuvoq – Isumaginninnermut Aqutsisoqarfiunngitsoq. Taamaalilluni meeqqap inissaqarnissaanut akisussaaffik, angerlarsimaffimminiinnissaa illersorneqarsinnaanngippat, kommunalbestyrelsimiippoq. Isumaginninnermut Aqutsisoqarfiup tassani atuuffia taamaallaat ataqatigiissaarineruvoq.

”Allangortitsinissamut siunnersuummi soorlu meeqqanut ilaqutariinnullu sullissivinnik illoqarfinni 500 sinnerlugit inulinni tamani pilersitsinissamut aningaasatigut naatsorsuinerit erseqqissut IPS-ip maqaasivai. Taamaallaat nalinginnaasumik oqaaseqaatini allassimavoq aningaasatigut kinguneqassasut. Qanoq annertutiginerat erseqqisumik allassimasariaqarpoq nangittumik aalajangiinissamik ingerlatsinnermut iluaqutaasussamik.

Aamma IPS-ip suliaticigut piginnasalinnik sumi/qanoq pissarsinissamik isummernissaq siunnersuummi maqaasivaa, tassami sulisoqarnek annertoqisumik unammilliutaareermat.

Oqaatigineqartutut meeqqat tapersorneqarnissaannut inatsimmik atuuttumik naammassinninnissaq unammillernareerpoq. Tamaattumik IPS-ip attumassuteqartippaa uparuassallugu Naalakkersuisut ukkatarisariaqaraat qulakkiissallugu meeqqat tapersorneqarnissaannut Inatsisartut Inatsisaannik allannguutaasinnaasut piuminarsaataasasut innuttaasumullu piviusumik pitsaanerulersitsillutik kommunini ingerlatsivinni annertunerusumik allaffissortitsinatik. Tamaticigut erseqqissunik anguniagaqartariaqarpoq, aamma suliniutini iluatsinnermik uuttuutaasinnasoqarluni, ingerlajuaannartumik innuttaasunut ulorianartumi inissisimasunut neqeroorutit naleqquttut

piviusungortinneqarsinnaasullu, innuttaasunut ulorianartumi inissisimasunut pitsaasumik uuttorneqarsinnaasumik sunniuteqartut qulakkeersinnaaniassagatsigit.

Oqaaseqaatit allat

Meeqqat inuusuttullu immikkoortumut isumannaallisakkamut inissinneqartut pillugit IPS itisiliinermik amigaateqarpoq. Ajoraluartumik pisariaqarsinnaavoq meeqqat inuusuttullu imminut allanulluunniit ulorianaateqarsinnaappata immikkoortumut isumannaallisakkamut inississallugit. Kisianni IPS isumaqarpoq 8. § 36 meeqqap atugassaasa tungaasigut annertoqisumik amigaateqartoq. Saqqummersimasariaqarpoq inissiinermi katsorsarneqarnissaq aamma/imaluunniit perorsaanikkut aalajangersimasumik suliniuteqarneq neqeroortigineqassasoq, taamaaliornikkut meeqqap aseruutaasumik pissusilersornermini allanngortinnissaanut tapersorsorlugu. Annertoqisumik suliniuteqanngikkaanni meeqqat inuusuttullu taakku immaqaa inuunertik siunissami pineqaatissinneqarsimasunut inissiivinni atussaavaat. Naalackersuisut aamma isumaliutigisariaqarpaat inuusuttut 18-inik ukiullit pineqaatissinneqarsimasunut inissiivinnut tunniunneqarnissaat tulluartaunersoq, imaluunniit isumannaallisakkamik akornanniittumik pilersitsisariaqarnerseq, malittaasumik sulissutiginninnertut ittupajaamik, inuusuttunik pinerluttunut inersimasunut serniginnittumik, soorlu aamma sulliniakkanut taakkunnga perorsaanermik suliaqarneq annertunerusoq ukkatarineqartariaqartoq pitsaaneruseq inuuneqarnissaat qulakkeerniarlugu.

Nunap pineqaatinneqarsimasunut inissiivii amerlasuut nalitsinnut naleqqukkunnaarnikuupput inuusuttullu naleqquttumik serniginissaannut qulakkeerisinnaanatik piviusumik immikkortinngikkaanni. Inuusuttunut 18-it aamma 23-it akornanni ukiulinnut pineqaatinneqarsimasunut inissiivimmuut tarsiullugu allatut ”neqeroort” tassaasinnavoq aaqqiineq sullinniakkanut taakkununga tulluarnersoq.”

Akissut: Inuusuttumik eqqartuussinerni perorsaanikkut suliniuteqarneq akulikitsumik eqqartuussummut ilaasarpoq. Inissiivimmuut tarsiullugu allatut ”neqeroort” il.il. eqqarsaatigalugu tamatumunnga aalajangiissussaaneq Inatsisit atuutsinneqarneranniippoq. Taamaalilluni oqaaseqaat Aatsitassanut Inatsisillu Atuutsinneqarnerannut Naalackersuisoqarfimmuut ingerlateqqinneqarpoq.

”IPS-ip siunnersuutigaa 10. § 41, imm. 2-mi takuneqarsinnaassasoq, ulloq unnuarlu paaqqinniffik pineqartoq pisussaaffeqassasoq perorsaanikkut pilersaarummik saqqummiussinissamut, tassanilu ersissaaq inuusuttup sivitsukkamik inissinneqarnerani ilikkarnissamut imaluunniit atugarissaarnissamut anguniakkat aalajangersimasut qanoq angussanera. Ulloq unnuarlu paaqqinniiffiit suliamut tunngasumut tunniussaannut piunasaqarnissaq meeqqap pisariaqartitai eqqarsaatigalugit naleqquttuusaaq, aamma meeqqat inuusuttullu inissinneqartut inissiinermik piviusumik iluaquteqarnerat qulakkeerniarlugu.

Taamaattumik IPS 13.§ 46, imm. 4 pillugu annertuumik iluarinnissimaarpoq, tassani takuneqarsinnaammat iliuusissatut pilersaarut inissinneqarnermi siunertarisamik aamma anguniakkanik piviusunik imaqqassasoq. Kisianni IPS isumaqarpoq tassunga atatillugu aamma paaqqinniffinnut piunasaqartariaqarneq takuneqarsinnaassasoq, tassami inissiinermi namminermiimmat siunertap anguniakkallu anguneqarnissaat.”

Akissut: Oqaaseqaat tusaatissatut tiguneqarpoq aamma Namminersorlutik Oqartussat meeqqanik tapersersuineq pillugu nalunaarutaata nutarterlugu suliarineqarneranut ilanngunneqassaaq.

”14. § 46 a-mut IPS-ip maluginiarpaa erseqqinngimmat meeqqanut inissitamut angajoqqaat inummik tapersersortimik sooq tunineqassanersut. Meeqqanut immikkut pisariaqartitsisunut inunnik tapersersortissanik piukkunnaateqartunik annertuumik amigaateqartoqareerpoq, tamaattumik naleqquttuussaaq anguniagaq erseqqissoq, aamma piginnaaneqarnerit qanoq ineriartortinneqassanersut nassuiassallugit. Aamma assinganik taamatut suliniuteqarnermi aningaasartuutissat naatsorsorneqarnerat amigaataavoq. Saniatigut taaneqarsinnaavoq suliniutip nassatarissagaa kommunini inuit ukiumut suliarisinnaasaasa naatsorsorneqarneranni amerlanernik pisariaqartitsisoqassammat iliuusissatut pilersaarutit immikkut taama amerlatigisut suliarinissaannut. Kisianni IPS-ip siunersuummi pitsaasumik anguniagaqarneq nersornartippaa qanoq annertutigisumik pivisunngortinneqarsinnaanera apeqqutaatillugu.”

Akissut: Inuk tapersersorti aamma angajoqqaanut iliuusissamik pilersaarut pillugit aalajangersagaq inatsisissatut siunnersuummit peerneqarpoq.

”Ilaqutariinnut sullissiviit pilersineqarnerat eqqarsaatigalugu siunnersuummi siunertarineqartut pitsaasut IPS-ip aamma nersornartippai. Kisianni IPS sakkortunerpaamik kaammattuivoq suliniutinut taamaattunut sulisussanik piukkunnaateqartunik naammattunik pissarsinissaq unammillernartutut ilisimaneqarluartumut Naalakkersuisut isummissasut. Periarfissanik allanik Kalaallit Nunaannut atatillugu naleqquttunik piviusunngortinneqarsinnaasunillu eqqarsarluni aaqqiisinnaaneq siunertarisamut naleqqunnerusinnaavoq qitiusumiit suleqataasut ilanngutitinneqarnerisigut. Siunnersuut innuttaasunut piviusumik iluaqutaasinnaangilaq suliniut piviusumik suliarineqarsinnaangippat.

Anguniakkamut naleqqussinnaavoq ilaqutariinnut sullissiviit pillugit neqeroorutinik ingerlatsinernillu sukumiinerusumik aalajangersaanermut kommunit ilaatissallugit, tassa piviusumik ingerlatsineq aamma unammillernartut pillugit misilittakkat malittarisassanik aalajangersaanermi ilanngunneqarnissaat naleqquttuummat.”

Akissut: Oqaaseqaat tusaatissatut tiguneqarpoq, kisianni inatsisissatut siunnersuummi allanguisoqarnissaanik kinguneqassangilaq.

”Kisitsisitigut naatsorsueqqissaarnermi paasissutissat kommunit nassiunnissannut pisussaaffeqarfiisa annertussusissaat erseqqinnerusumik nassuiarneqartariaqarput. Tassunga atatillugu naleqquttuussaaq suleqataasut naleqquttut suleqatigalugit Kalaallit Nunaata paasissutissat qanoq ittut atorfissaqartinnerai aamma sumut atussanera nassuiassallugu. Taamaalilluni paasissutissanik katersuineq naleqquttoq akimut ersitsumik anguniakkamullu naleqquttumik ingerlanneqassaaq. Pitsaanerpaaffimmini paasissutissat taakku innuttaasunut ulorianartumi inissisimasunut suliniutitsinnik nukittorsaassapput. Naalakkersuisut paasissutissat katersukkat ingerlateqqinnissaannut qanoq pisussaaffeqarpat, suleqataasut soorlu MIO, IPS, Tilioq aamma Utoqqaat Illersuisuat sulianik ingerlatsinermi aamma innersuussutigineqartuni paasissutissat pingaarutillit takusinnaanissaannut?”

Akissut: Kisitsisitigut naatsorsueqqissaarnermi paasissutissat pillugit malittarisassat nalunaarummi aalajangersarneqassapput, siunnersuummi § 60 a, imm. 2 naapertorlugu.

”Siunnersuummut oqaaseqaatini takuneqarsinnaavoq angerlartitsinissamut Meeqqat Pillugit Ataatsimiititaliamit oqaaseqaateqartinnagit kommunalbestyrelsit aalajangiisinnaanngitsut. Ataatsimiititaliamut akissuteqarnissamut piffissaliussaqarpa suliamik ingerlatsinermi akuttoqatigiimmik pisartumik siumukartoqarnera qulakkeerneqarsinnaaqullugu?”

Akissut: Piffissami suliaq tamakkiisumik suliarineqareerpat najoqqutassallu tamarmik oqaatsini tamani marlunni pineqarsinnaalerpata Meeqqat Pillugit Ataatsimiititaliaq sapaatip akunnerinik 4-nik suliaq pillugu oqaaseqassalluni periarfissaqarpoq, Meeqqat Tapersorneqarnissaannut Inatsisartut Inatsisaanni § 55, imm. 3 naapertorlugu.

5. Kalaallit Meerartaat

”§32-mut Tikeraarluni angalanernut oqaaseqaatit Sulianik paasisisimasalinnik oqaloqateqartarnitsinni paasivarput meeqqap/inuusuttup tikeraarluni angalanermut pisinnaatitaanera qaqtuguinnaq eqqortinneqartartoq. Tikeraarluni angalanerit taakku kimit akisussaaffigineqarneri, aamma tikeraarluni angalaneq akuersissutigineqartinnagu piumasaaqatit suuut naammassineqarsimassanersut erserlussinnaavoq. § 32, imm.4 naapertorlugu innersuussutigineqarpoq tikeraarluni angalanissanut maleruagassat aalajangersimasut suliarineqassasut, meeqqat inuusuttullu pisassaminnik pisinnaanissaat qulakkeerniarlugu. Tassaasinnaavoq tikeraarluni angalanerup aaqjissuunneranut akisussaaffiup sumiinneranik erseqqissaneq, aamma illoqarfimmut angerlarsimaffimmut tikeraarneq meeqqamut pitsaasumik sunniuteqarsinnaammat angajoqqaalluunniit allamut nuussimagaluarpata.”

Akissut: Oqaaseqat tusaatissatut tiguneqarpoq aamma Namminersorlutik Oqartussat meeqqanik tapersuineq pillugu nalunaarutaata nutarterlugu suliarineqarneranut ilanngunneqassaaq.

”Ilanngussamut §33, imm. 2-mut oqaaseqaat:

Nalinginnaasumik ilisimaneqarpoq ulloq unnuarlu paaqqinniffiit annertoqisumik tamaviaartinneqartut. Kisianni aalajangersimasumik inissinneqarnissaat pitinnagu kommunit namminneq utaqqiisaasumik inissiivissanik isumaginninnissaat erngumanaateqangaatsiarpoq. Inatsisissatut siunnersuummi uani erseqqissumik taaneqanngilaq utaqqiisaasumik iniissiiffiit suut tunngavigalugit pilersinneqassanersut, taakku qanoq nakkutigineqassanersut aamma meeqqat taakku qanoq sivisutigisumik utaqqiisaasumik inissinneqarnissaat akuerineqarsinnaanersoq. Aamma erseqqissumik taaneqanngilaq utaqqiisaasumik inissiiviit qanoq annertutigisumik piumasaqarfigineqassanersut nakkutilliinerup, tamanit paasineqasinnaanerup aamma perorsaanerup tungaasigut. Akulikilligaluttuinnartumik qanigisaasunit assigisaannilluunnit saaffigineqartarpugut oqaluttuurtunik meeqqat inuusuttullu angalanissamik allatulluunniit iluaqutsissanik pilerisaarneqartartut taakkununnga nuutsikkumallugit. Aamma assigisaanik nutaarsiassani malinnaaffigineqarsinnaavoq meeqqat utaqqiisaasumik inissitat inatsisinik unioqqutitsisartut. Aamma assigisaanik ilisimavarput inissiinerni arlaleriarluni nuunnerit meeqqanut inuusuttunullu ulorianartumi inissisimasunut pitsaanngitsumik kinguneqartartut, sungiussinissaq inersimasunullu qanittumik atassuteqalernissaq ajornartorsiutigilersaramikku. Suliniutit utaqqiisaasumik inissiiviit taakku nakkutigineqarnissaannik qulakkeerisut, aamma meeqqat inuusuttullu utaqqiisaasumik inissinneqarnerannik sivikillisaasut aallartinneqartariaqarput. Allatut periarfissaralugu misissorneqartariaqarpoq utaqqiisaasumik inissiiviit taakku ulloq unnuarlu paaqqinniffittut akuerineqarsinnaanersut.”

Akissut: Meeqqanut amgerlarsimaffiup avataanut inissitanut kommunalbestyrelsip nakuutilliinermut pisussaaffia aamma meeqqanut utaqqiisaasumik inissitanut atuuppoq.

”§44-mut oqaaseqaat:

2015-p kingornatigulli Kalaallit Meerartaat(KM) meeqqanik illersuisuuneq ingerlappaa meeqqani illersuisuunermik aaqqiineq Najorti aqqutigalugu. Naak meeqqat 20217-imiilli illersuisuisoqarnissamut pisinnaatitaagaluartut sulianik ingerlatsisut akornanni qanoq ilisukkut illersuisoqarnerup atorneqarnissaata nalornissutigineqartarnera suli nalaattarparput. Ilanngussami nutaami § 46 a-mi takuneqarsinnaavoq kommunalbestyrelse angajoqqaanut illersuisumik neqerooruteqassasoq, kisianni meeqqanut inuusuttunullu kommunalbestyrelse illersuisumik taamaallaat neqerooruteqassaaq inissiineq angajoqqaanit akuerisaasimangippat. Oqaasiliorneq § 44 tamakkerlugu assigiimmik iliuuseqarluni iluarsineqartariaqarpoq inissiineq qanorluunniit ittuugaluarpat meeqqat tamatigut illersuisumik neqeroorfigineqartarnissaat qulakkeerniarlugu. Pingaarluinnarpoq ilanngutitsinissamik apeqqut nassuiaanermik/sukiuaanermik apeqqutaassanngimmat, akerlianilli pissusissamisut suleriaasaanerulluni. Aamma tamatumunnga atatillugu iluaqutaasinnaavoq illersuisup atuuffianut maleruagassanik suliarinnittoqarpat, taamaalilluni qulakkeerneqassammat meeraq/inuusuttoq pitsaanerpaamik tapersorneqartoq. Maleruagassat illersuisup atuuffia, meeqqamut/inuusuttumut akisussaaffia pillugu imaqarsinnaapput, taamalu illersuisoq pisortanik suleqateqarnerani ikiorsinnaallugu. Tamatuma meeqqap assersuutigalugu

allagaatinik takunnissinnaaneranut imaluunniit imminut suliaq pillugu maalaaruteqarnissaanut periarfissap nukittorsarneqarnera kingunerissavaa.”

Svar: Ilaatigut ilanngunneqarpoq. Aamma meeqqat angerlarsimaffimmik avataanut akuersissuteqarluni inissinneqartunut illersuisussamik neqerooruteqarnissaq pisussaaffinngortitaavoq. Meeqanut illersuisoq pillugu maleruagassaqarpoq Namminersornerullutik Oqartussat meeqqat tapersorsorneqarnissaannut nalunnaarutaanni.

”Kapitali 14 a-mut oqaaseqaatit:

Ilaqutariinnut sullissiviit ingerlanneqarnerannut erseqqinnerusumik sinaakkuteqartitsineq pillugu KM tapersersuivoq. Kisianni tassunga atatillugu ilaqutariinnut sullissivinnut isumalluutit pisariaqartut qulakkeerneqarnissaat pingaaruteqarpoq, taakkumi massakkut annertoqisumik tamaviaartinneqarmata suliarineqarnissamut utaqqinermik sivisuumik kinguneqartumik. Aamma assinganik qanoq isumalluutit pisariaqartut qulakkeerneqarsinnaanerata aamma suliarineqarnissamut neqeroorutit ingerlaannarnissaat pillugit maannangaaq periusissiortoqartariaqarpoq illoqarfinni minnerusuni, tassami misilittakkatsitigut paasinarsimmat suleqataasut nuuttarnerat inoqarfinni minnerusuni sulii annertunersumik sunniuteqartartoq.”

Akissut: Tusaatissatut tiguneqarpoq.

6. UNICEF Kalaallit Nunaat

”Angajoqqaanik imaluunniit isumassuisunik qanigisanik atassuteqarneq Imm. 13: § 46 pillugu

Kalaallit Nunaanni UNICEF-ip Naalagaaffiit Peqatigiit Meeqqat Pillugit isumaqatigiissutaanni immikkortoq 9-p malinneqarnissaata qulakkeernissaanut anguniagaq tapersorsorpaa angerlarsimaffiup avataanut inissiinermi iliuusissanut pilersaarusiorderup ingerlanneqarnerani. Taamattumik iliuusissatut pilersaarummi ”allaaserineqassammat meeqqap angajoqqaanut imaluunniit inunnut isumassuisunut qanigisanut inuttut atassuteqarnissaa qanoq qulakkeerneqassanersoq, tamanna meeqqamut pitsaanerpaamut akerliusutut nalilerneqanngippat.” tapersorsornartipparput.

Kisianni oqaaseqaat ”inuttut atassuteqarneq oqarasuaatikkut, qarasaasiakkut imaluunniit nammineq takkunnikkut” ingerlanneqarsinnaasoq tapersersunngilarput. Naak atassuteqarneq oqarasuaatikkut qarasaasiakkullu ilaneqarsinnaagaluartoq tamatigut – meeqqat taakkulu qaninnerpaasaminnut isumassuisiminnullu atassuteqarnerat pineqarmat – pingaarnerpaamik sapinngisamillu annertunerpaamik inuttut atassuteqarnissaat anguniartariaqarpoq – meeqqap pisariaqartitaanut akerliunngippat.

Isumaqarpugut tamanna nalunaarummi aamma oqartussaannermut ilitsersuummi erseqqissarneqartariaqartoq.

Meeqqat immikkoortumi isumannaalisakkami inissinneqarsimasut, aamma tikeraarluni angalanerit

Imm. 8: §32, § 36 aamma § 46 pillugit

Isumakulunnartuutippaput meeqqat eqqartuussinikut inissinneqarsimasut pisinnaatitaaffii 2021-mi ajornerulersinneqarmata, aalajangerneqarmat tikeraarluni angalanissamut pisinnaatitaaffik §32, imm. 1-2 naapertorlugit, ”meeqqamut pillugu eqqartuussinikkut imaluunnit eqqartuussiviup aalajangerneratigut ulloq unnuarlu paaqqinniffimmut inissinneqarsimasumut” atuutissanngitsoq.

Tamanna Naalagaaffiit Peqatigiit Meeqqat pillugit isumaqatigiissutaanni immikkoortoq 37-mut akerliuvoq, tassanimi aalajangerneqarpoq meeqqat kiffaangissusiikkat ilaqtaminnik atassuteqaannarnissaminnut pisinnaatitaaffeqartut. Ilisimasavut naapertorlugit Kalaallit Nunaanni immikkoortoq isumannaallisagaq ataasiinnaammat, Angerlarsimaffik Isikkivik Sisimiuniittoq, iliuutsitigut meeqqat ilaannut ajornassaaq nammineq akilikkamik tikeraarteqarnissamut.

Meeqqat tapersorsorneqarnissaannut Inatsisartut Inatsisaata allanngortinneqarnissaanut Inatsisartut Inatsisaata nr. 6 19. novembari 2021-meersup tunngavigisaa akueraarput, aamma aalajangiinermut tunngavilersuut ”eqqartuussiviup tamanna pillugu aalajangernerata” kingunerigaa.

Kisianni meeqqat eqqartuussut tunngavigalugu inissinneqartut ilaqtaminnik imaluuniit qanigisaminnik atassuteqaannarnissaat (Naalagaaffiit Peqatigiit Meeqqat pillugit isumaqatigiissutaanni immikkoortoq 9 aamma immikkoortoq 37 naapertorlugit) – ilisimasavut naapertorlugit – Pinerluttulerinermut inatsimmi imaluunniit inatsini allani qulakkeerneqarsimannngimmat kaammaattuutigissavarput meeqqat taakku tikeraarluni angalasinnaatitaanerit atorlugit ilaqtaminnik imaluunniit qanigisaminnik atassuteqarnissaminnut pisinnaatitaanerit inatsisiliornermi allatut iliorluni qulakkeerneqassasoq.

Tamanna minnerunngitsumik atuuppoq Naalagaaffiit Peqatigiit Meeqqat pillugit isumaqatigiissutaanni immikkoortoq 9-p §46-mut atatillugu malinneqarnissaanut anguniakkap qulakkeerniarnera eqqarsaatigigaanni.”

Akissut: Tikeraarluni angalasarnerit pillugit eqqartuussutikkut inissinneqarsimasut pillugit malittarisassat 2021-mi erseqqissarneqarput. Eqqartuussutikkut inissinneqarsimasut tikeraarluni angalanermik pisinnaatitaaffeqarnikuunnngisaannarput, taamalu periaaseq pilersimasooq inatsinik unioqutitsinerulluni. Eqqartuussutikkut inissinneqarsimasunut inissiivik qimanneqaqqusaannngilaq oqartussanik attuumassutilinnit akuerineqartinnani, t.i. eqqartuussisunit imaluunniit pinerluttunik isumaginnittoqarfimmit. Aalajangersakkami oqaasiliorneq nutaaq ilanngunneqarpoq, taassumalu kingornatigut tikeraarluni angalanerit

angajoqqaatut oqartussaassusilinnut tunniunneqarsinnaalerput meeqqat eqqartuussutikkut inissinneqarsimasut angajoqqaminnut atassuteqarnerat ingerlaannarsinnaalluni.

”Meeqqanik illersuisoq
Imm. 11: §44 pillugu

Kalaallit Nunaanni UNICEF-ip ”meeqqat angajoqqaaminnit akuerineqanngitsumik inissinneqarneranni tusarneqarnissaata” qulakkeerneqarnissaa taperserpaa taamaattumillu erseqqissarneqassasoq meeqqat taakku”meeqanuk illersuisoqassasut”. Kisianni pisinnaatitaaffik taanna meeqqanuk inissinneqarsimasunut tamanut atuuttariaqarpoq. Taamaattumik kaammattuutigaarput inatsimmi §44-mi oqaasertaliinerit allanngortinneqassasut uanga:

”Kommunalbestyrelsip meeqqap tapersorneqarnissaata aallartinneqarneranut suliaqarnerminni angajoqqaatut meeqqanik illersuisulerneqarsinnaanerit neqeroorutigisinnaavaa.”

uunga:

”Kommunalbestyrelsip meeqqap tapersorneqarnissaata aallartinneqarneranut suliaqarnerminni angajoqqaatut meeqqanik illersuisulerneqarsinnaanerit qulakkiissavaa.””

Akissut: Ilaatigut ilanngunneqarpoq. Aalajangersagaq naleqqussarneqarpoq imaalerlugu meeqqat inissinneqartussat tamarmik meeqqamik illersuisoqarnissamik neqeroorfineqassasut.

7. Innarluutillit illersuisuat TILIOQ

”Pitsanngorsaanerit piviusut qanoq aningaasalerneqarnissaat imaluunniit atuutilersinneqarnissat erseqqissarneqangilaq. Nalileruminaatsorujussuuvoq allannguutissat siunnersuutit naammattumik meeqqat pillugit sulianik pitsaannerusumik suliaqarnissamut aamma meeqqat inuusuttullu atugarissaarnerunissaannut naammattumik tapersersiinnaanersut, pingaartumik meeqqat innarluutillit eqqarsaatigalugit. Tassami nassiunneqarsimasut naapertorlugit takuneqarsinnaanngilaq inatsisip allanngortinnissaanut ineriartortitsinermik sulineq qanoq ingerlasimanersoq, aamma sulinermit kikkut ilaatinneqarsimanersut. Tilioq isumaqarpoq inatsisip allanngortinnissaanut siunnersuut takussutissaqarfiusoq susassaqarfimmi suliaqartut attuumassutillit sulinermit ilanngunneqarsimangitsut, aamma Tilioq isorinnippoq inatsisip allanngortinnerata suliarinerani ingerlanerata aamma pisariaqartinneqarnerata erseqqissarneqannginnera pillugu. Inuit inatsisissamut siunnersuummi toqqaannartumik attorneqartut – tassa meeqqat ilaqutaallu, taakkununga ilaallutik meeqqat innarluuteqartut – ilanngunneqarsimarpasinngillat.

Siunnersuummi oqartussaasut akornanni akisussaaffiit agguanneqarnerannik Tilioq tapersersuivoq, agguanneqarnerallu neriunartumik meeqqat inuusuttullu ataasiakkaat inatsisitigut isumannaatsuunissaasa nukittorsarneqarnerannik kinguneqarsinnaassaaq. Kisianni aamma Tiliup ingerlaavartumik kommunimi sullissiviit siunnersuummi namminerimi allassimasutut meeqqat pillugit “suliassat ilungersunartumik katitikkat” pillugit suliaannik nakkutilliinissap naliliinissallu pingaarutaat erseqqissassallugu kissatigaa. Ilaatigut innuttaasut saaffiginninnerannit aamma tusagassiutini suliarineqartutigit aamma sulianit Ombudsmandimit qaqinneqartutigit nalunngilarput suliat meeqqanut tunngasut amerlasuut inunnut innarluutilinut tunngasuusartut akuttunngitsumik kukkusumik ingerlanneqartarmata, inatsisillu sulinerimi malinneqassanatik.

Inissiinermi suliat pillugit siunnersuummik oqaaseqaatit tungaasigut (ilaatigut imm.10 aamma imm. 13), Tiliup kissaatigaa meeqqat innarluuteqartut immikkut ittumik eqqarsaatigineqarnissaasa pingaarutaat tikkuassallugu, assersuutigalugu kommunit innarluutilinnut immikkoortortaanniit ikiorneqarnissamik qinnuteqarnermi aamma nalinginnaasumik attaveqatigiinnissap annertusineqarnissaa kommuninilu sullissiviit assigiinngitsut akornanni sulinerit ingerlannerannik oqilisaanissaq sulissutigalugu sinaakkutissat pitsaanerpaat, ineriartortitsinissamut periarfissat aamma meeqqamut atugarissaarnissaq qulakkeerniarlugit inuit ataasiakkaat aallaavigalugit. Tapersersornarpoq illoqarfinni minnerusuni meeqqat illersorneqarnissaat Naalakkersuisut nukittorsarniarmassuk. Tiliup tikkuarusuppa pingaaruteqarmat ilaqutaarit illui taaneqartut aamma meeqqanit aamma angajoqqaanit assigiinngitsunik innarluutilinnit tikineqarsinnaanissaat. Tassunga atatillugu tikinneqarsinnaaneq paasineqassaaq Naalagaaffiit Peqatigiit innarluutillit pillugit isumaqatigiissutaanni allassimasutut. Meeqqat innarluutillit – imaluunniit meeqqat innarluutilinnik angajoqqaallit –nakuuserfigineqarnissamut imaluunniit isumassuinikkut sumiginnagaanermut immikkut ulorianartumiippat, ilutigalugulu inuiaqatigiinni eqimattaapput akuttunngitsumik isiginngitsuusaarneqartartut, oqartussaasut nalinginnaasumik ilisimasaqarfigissallugit pitsaanerpaamillu sulissunneqarnissaannut isumalluuteqarfigissallugit amigaateqarfigisaat, tamannalu iluarsiiiffigineqarnissamut peqqutaasariaqarpoq.

Aamma meeqqat inuusuttullu pillugit suliat ingerlanneqarnerisa assigiissaartinneqarnissaannut, akimut ersitsuunissaannut aamma pineqarsinnaanissaannut siunersuutip anguniagaa Tiliup tapersersorpaa. Soorlu siunnersuummut oqaaseqaatini allassimasoq: ”Sulianik ingerlatsinermut ataqatigiimik aqqissuussineq kommuninut tamanut assigiimmat kommuninut ajornannginnerulissaaq suliat agguaqatigiiffigissallugit ilaqutariit nuunnerini imaluunniit meeqqat kommuninut allanut inissinneqarnerini. Tamatuma saniatigut aamma Inatsisartut Ombudsmandiannut, Isumaginninnermi Naammagittaalliuuteqarfimmut, Meeqqat Illersuisuannut aamma Naalakkersuisut ataanni nakkutilliinermik ingerlatsisunut paasissutissat pisinnaatitaaffigisaqarfigisamik tigunissaat ajornannginnerulissaaq.”

Innarluutilli pillugit susassaqarfimmi erseqqippoq kommunit akornanni, kommunit namminneq iluanni attaveqaqatigiinnermik amigaateqarnerup aamma nalinginnaaqisumik amigartumik suliamik ingerlatsinerup nassatarigaat meeqqat inuusuttullu pisinnatitaaffii innarluutillit pillugit isumaqatigiisummik aamma Kalaallit Nunaata nunat assigiinngitsut akornanni pisusaaffiiniik naammassinnginneq. Tamaattumik suliniut tapersorsorparput, kisianni ilutigalugu aamma annertuumik kaammattuutigaarput siunnersuummi qulakkeerneqassasoq ataatsimoorussamik IT-kkut aaqqiineq meeqqap inuusuttullu innarluutilinnut ingerlatsivimmit katsorsarneqarnerata qanoq ingerlasimaneranut isersinnaassasoq, qulakkeerneqaqqullugu meeqqat innarluutillit, meeqqat tapersorsorneqarnissaannut inatsit aamma inuit innarluuteqartut tapersorsorneqarnissaannut Inatsisartut Inatsisaat nr. 13 12. juuni 2019-meersoq naapertorlugit meeqqat tapersorsorneqarnissamut pisinnaatitaafeqartut susassaqarfiit akimorlugit aamma ataatsimut isiginnilluni sullinneqarnissaat qulakkeerneqaqqullugu.

Siunnersuummi aalajangersakkanut ataasiakkaanut oqaaseqaatini § 55 b-mut allassimavoq ”Pisortanut IT-mik ataatsimoorussamik aaqqiissutissap ilaatigut ingerlatsiviup sulianillu sullissisut ataasiakkaat paasissutissat, inatsisip pineqartup allaffissornikkut ingerlanneqarnissaanut naleqquttut, kisimiillutik iserfigisinnaassagaat qulakkiissavaa”. Tassunga attatillugu Tiliup kissaatigaa erseqqissassallugu innuttaasut qanoq sullinneqarnerisa oqaluttuarisaanerat kommunini sulianik ingerlatsinermut allamut annertuumik attuumassuteqarmat.

§ 32-mut Tikeraarluni angalanerit pillugit oqaaseqaatit: § 32, imm.4 naapertorlugu innersuussutigineqarpoq tikeraarluni angalanernut maleruagassat aalajangersimasut suliarineqassasut, meeqqat inuusuttullu pisinnaatitaaffimmikkut piumasarisinnaamik pinissaat qulakkeerniarlugu. Tamanna assersuutigalugu tassaasinnaavoq illoqarfimmut angerlarsimaffigisamut tikeraarluni angalanerup aaqqissornissaa pillugu akisussaaffiup sumiinneranik erseqqissaaneq, aamma illoqarfimmut angerlarsimaffimmut tikeraarluni angalaneq meeqqamut pitsaasumik sunniuteqarsinnaasoq angajoqqaat allamulluunniit nuussimagaluarpata.”

Akissut: Oqaaseqaat tusaatissatut tiguneqarpoq aamma Namminersorlutik Oqartussat meeqqat tapersorsorneqarnissaannut nalunaarutip nutarterneqarnissaanik sulinissamut ilanngunneqassaaq.

” § 44-mut oqaaseqaat: § 46 a-mut ilanngunneqartumi nutaami allassimavoq kommunalbestyrelse angajoqqaanut tapersorsortimik neqerooruteqassasoq, kisianni kommunalbestyrelse meeqqanut inuusuttunullu tapersorsortimik neqerooruteqassasoq taamaallaat inissiineq angajoqqaanit akuerineqarsimangippat. Oqaasertaliineq § 44 tamakkerlugu assigiimmik iluarsineqartariaqarpoq qulakkeerniarlugu meeqqat tapersorsortimik neqerooruteqarfigineqassasut inissiinerup qanoq ittuunera apeqqutaatinnagu Pingaaruteqarluinnarpoq ilanngutitsineramik apeqqut nassuiaanermik tunngaveqassanngitsoq,

kisanni tassaassalluni nalinginnaasumik pissusissamisut sulianik ingerlatsinerussasoq. Ilutigalugu iluaqutaasinnaavoq illersuisup atuuffianik maleruagassaliortoqarpat meeqqap/inuusuttup pitsaanerpaamik tapersorneqarnissaa qulakkeerniarlugu. Maleruagassat illersuisup atuuffianik tulluurtumik tunngasuussapput, taamalu illersuisoq oqartussat suleqatiginerinik ikiussallugu. Tamanna meeqqap ikiornissaanik periarfissamut nukittorsaataassaaq ass. allagaatinik takunnissinnaatitaanermik qinnuteqarnermi imaluunniit suliami imminut tunngasumi maalaaruteqarnissamut.”

Akissut: Ilaatigut ilanngunneqarpoq. Aalajangersagaq naleqqussarneqarpoq imaaleralugu meeqqat angerlarsimaffimmik avataanni inissinneqartussat tamarmik meeqqamik illersuisoqarnissamik neqeroorfigineqassasut. Illersuisup atuuffia Namminersorlutik Oqartussat meeqqat tapersorneqarnissaannut nalunaarutaanneereerpoq.

8. Avannaata Kommunia

”Oqaaseqaatit nalinginnaasut:

Avannaata Kommuniata susassaqarfimmi inatsisit nutarterneqarnerat, aamma kalaallisoortaata danskisoortaatalu akornanni oqaatsinik atuinertigut nikinganerit iluarsineqarnissaat ilassilluarpai.

Avannaata Kommuniata ilimagereerpaa inatsit kommuninut sulianik amerlanerulersitsissasoq, taassuma ataani ilaatigut meeqqat inissineqarsimasut angajoqqaavinut iliuusissanik pilersaarusiornermut atatillugu. Ilisimaneqartutut kommunit susassaqarfimmi sulisut piukkunnaateqartut ussagartissallugit aalajangiusermassallugillu assut ajornakusoortippaat. Taamaattumik tamatuma piareersimaffiginissaa pisariaqarpoq.

Oqaaseqaatit aalajangersimasunut tunngasut:

Allannguutisatut siunnersuut nr. 1 pillugu allanngutissamut siunnersuummut nr. 15-imut naleqqiullugu: Ilaqutariinnut sullissivinnik, ilaqutariit illuinik, ineqarfinnik, meeqqat illuinik aamma ilaqutariinnut sullissivinnut atatillugu qimarnguinnik pilersitsineq ingerlatsinerlu, aamma taakkuninnga ingerlatsinermut atatillugu nakkutilliinerit inatsimmi immikkoortumi suliarineqartariaqarput, imaanngitsoq meeqqat tapersorneqarnissaannut Inatsisartut Inatsisaanni, taakkununnga siunertarisaq meeqqat tapersorneqarnissaannit sammisamigut tamanik annertunerusumik tikitsinerummat.

Akissut: Inatsisartut Inatsisaat taamaallaat ilaqutariinnut sullissiviit pilersinneqarnissannut tunngaviliivoq. Aalajangersakkamit takuneqarsinnaavoq sukumiinerusumik malittarisassaliornissaaq nalunaarusiami suliarineqassasoq.

Avannaata Kommunia aamma isumaqarpoq kommune nammineq naliliisariaqartoq taakku sumi pisariaqartinneqarnerinik pilersinneqarnissaannullu periarfissanik, aamma ilanngullugu sulisut piukkunnartut sumi pissarsiarineqarsinnaanerat, tassa ass. ilaqutariit illuannik pilersitsinissaaq sulisussanik pisariaqartunik atorfinitsitsisinnaanngikkaani naleqqutinngimmat.

Akissut: Aalajangersagaq allangortinneqassaaq kommunit ataasiakkaat taakkuninnga pilersitsinissaminut annertunerusumik kiffaangissuseqalersillugit.

Allanguutissatut siunnersuut nr. 2 pillugu: Avannaata Kommuniata siunnersuutigaa § 14-imi imm. 1-imi soorlu aamma imm. 2-mi massakkut oqaasiliarineqartoq atatiinnarneqassasoq, kisianni iliuusissanik suliarinninnissaq ilanngullugu.

Tassunga tunngavilersuutaavoq kommunep susassa qarfirmi sulisunik piukkunnaateqartunik pissarsinissa aalajangersimanninnissaalu ajornartorsiutigingaatsiarmagit. Taamalilluni kommune meeqqat pillugit sullissinerni annertoqisumik inuttassaaleqivoq. Taamaattumik sulianik aalajangersimasunik nammaassinninnissamut kommunip ikiorneqarnissamik qinnuteqarsinnaanera pisariaqartinneqarpoq. Inatsisimmi kommunit amerlasuunik suliassa qartinneqarput, pingaartumik tapersersuinissamut suliniutit eqqarsaatigalugit. Suliassat taakku kommunip naammassisinnaassappagit sulianik ingerlatsinnermut ikiorte qarnissaq pisariaqarpoq, taakku ataanni isumaginninnermi sulianik misissuineq aamma iliuusissanik pilersarusiorneq, aalajangiineq assigisaallu.

Akissut: Isumaginninnermut Aqutsisoqarfik massakkorpiaq kommunini suliassanut sulisunik atukkiussinissamut naammattunik sulisoqanngilaq. Kommunit ikiorneqarnissaasa aaqqiiffiginissaat sulissutigineqarpoq.

Allanguutissatut siunnersuut nr. 3 pillugu: Oqaaseqaatissaqaanngilaq.

Allanguutissatut siunnersuut nr. 4 pillugu: Oqaaseqaatissaqaanngilaq.

Allanguutissatut siunnersuut nr. 3 pillugu: Oqaaseqaatissaqaanngilaq.

Allanguutissatut siunnersuut nr. 6 pillugu: Avannaata Kommuniata inatsimmik allangortitsineq aamma erseqqissaaneq taanna ilassilluarpa.

Allanguutissatut siunnersuut nr. 7 pillugu: Avannaata Kommuniata siunnersuut taanna akuersaarneqarsinnaanngitsutut piviusorsioruunngitsutut isigaa.

Kommune Namminersorlutik Oqartussanut/Isumaginninnermut Aqutsisoqarfimmut saaffiginnikkaangat meeqqamut aalajangersimasumut paaqqinniffimmik nassaarnisamik qinnuteqarneq tassaasarpog meeqqap immikkut ittumik pisariaqartitsinera, angajoqqaarsianit imaluunniit kommunimi paaqqinniffiit ilaannit naammassineqarninnaanngitsumik. Namminersorlutik Oqartussat/Isumaginninnermut Aqutsisoqarfik tassaapput nunami tamarmik pissutsinik ilisimasaqartut. Taamaattumik meeqqap eqqortumik neqeroorfiginissaanut akisussaafik, aamma utaqqisuniinnermini, Namminersorlutik Oqartussat/Isumaginninnermut Aqutsisoqarfiup tigummissariaqarpa.

Akissut: Meeqqat kommunip akisussaaffigai aamma kommunit qaninnerpaapput sumiiffimmilu periarfissanik ilisimaneqarnerpaallutik. Aalajangersaanermi eqqarsaatigineqarpoq meeqqap angerlarsimaffiup avataanut nukinginnartumik inissineqartariaqalenera. Meeqqamut pitsaanerpaassanngilaq Isumaginninnermut Aqutsisoqarfiup misissuinissaa utaqqiisaasumillu inissiivissamik nassarinissa utaqqineqassappat.

Allannguutissatut siunnersuut nr. 8 pillugu: Oqaaseqaatissaqaanngilaq.

Allannguutissatut siunnersuut nr. 9 pillugu: Oqaaseqaatissaqaanngilaq.

Allannguutissatut siunnersuut nr. 10 pillugu: Oqaaseqaatissaqaanngilaq.

Allannguutissatut siunnersuut nr. 11 pillugu: Siunnersuutigineqarpoq aalajangersagaq uunga allanngortinneqassasoq: ”Meeqqat angajoqqaanit akuerissuteqaqqaarnani angerlarsimaffiup avataanut inissineqartut § 28 naapertorlugu meeqqamik illersuisulernerneqassapput.”

Allannguutissatut siunnersuut nr. 12 pillugu: Oqaaseqaatissaqaanngilaq.

Allannguutissatut siunnersuut nr. 13 pillugu: Allannguutissatut siunnersuutip siunnersuummut tassunga oqaaseqaatini angusassat allaaserineqartut qanoq anguneqarnissaat erseqqissumik nassuarneqanngilaq.

Allannguutissatut siunnersuut nr. 14 pillugu: Siunnersuummi § 46 a, imm. 1 pillugu oqaaseqaatit amigaatiginarput.

Siunnersuummi § 46 a, stk. 2 – 6 pillugut: Iliuusissamik pilersaarusiornermik neqerooruteqarnek pineqartariaqarpoq. Naleqquttuunngilaq piumasaaatigineqassasoq kommune iliuusissatut pilersaarusiussasoq, pineqartoq taamaattumik kisaateqanngippat imaluunnit suliarinissaanut peqatarusunngippat. Saniatigut aamma angajoqqaatut oqartussaassusilinnut taamaallat atuuttariaqarpoq, tassami angajoqqaat ilaat angajoqqaatut oqartussaassuseqanngitsut attaveqarfiuminaassinnaammata, ass. nunani allani najugaqarpata. Siunnersuutigineqarpoq angajoqqaat angajoqqaatut oqartussaassuseqanngitsaq peqataasinnaasoq, angajoqqaatut oqartussaassusillip angajoqqaajusullu aappaata kissaatigippassuk.

Akissut: Iliuusissamik pilersaarusiornissaq aamma angajoqqaanut tapersersorti pillugit aalajangersagaq inatsisissamut siunnersuummit peerneqarpoq.

Allannguutissatut siunnersuut nr. 15 pillugu: Siunnersuummi § 55 a-mut tunngasoq pillugu: Qulaani nr. 1-imut oqaaseqaatit innersuussutigineqarput.

Siunnersuummi § 55 b-mut tunngasoq pillugu: Avannaata Kommuniata naatsorsuutigaa kommunit ataasiakkaat kisimik IT-mik aaqqissuussinermi paasissutissaatiminnut isersinnasut.”

Akissut: Inunnut paasissutissat eqqartuussisutigoortumik illersorneqarnissaat pillugu Namminersorlutik Oqartussat sulianut paasissutissanut IT-mik aaqqissuussinermiittunut isersinnaangillat. Paasissutissanik aallernissaq pillugu nalunaarusiami sukumiinerusumik malittarisassaliortoqarsinnaavoq.

9. Qeqqata Kommunია

”Siullermik Qeqqata Kommuniata uparuarniarpa Kommunit aqunneqarnerat pillugu Inatsisartut Inatsisaanni nr. 29 17. novembari 2017-imeersumi § 1-imi allassimasumi kommunit susasaqarfiminni aqutsisuunerat allanngortinniarneqarpoq.

Kommunalbestyrelsip kommunip aqunneqarnera isumagissavaa kommunip pisariaqartitai piginnaaneqarneralu aallaavigalugit, soorlu aamma ingerlatsiviup tullerriaariner aallaavigalugu. Naalakkersuisut inatsisissamut siunnersuutaa eqqarsaatiginninngippasippoq akuerineqarsinnaananilu.

2005/2006-imi ilaqutariinnut sullissiviit pilersinneqarput, ilaqutariinnut sullissiviit ineeriartortinneqarnerat ilaatigut naalakkersuisoqarfik suleqatigalugu ingerlanneqarpoq, kisianni ingerlanneqarnerini allannguisoqassappat kommunalbestyrelse akisussaaffimmik tigumminnittuujarpoq, Qeqqata Kommunია taassuma allanngortinniarneqarneranik naammaginninngilaq.

Innuttaasut pisariaqartitaannik tullerriaarnerit Qeqqata Kommunianit ingerlanneqarput. Aamma 2022 naalersoq Qeqqata kommunalbestyrelsia periusissiamik aalajangiivoq, tassanilu anguniarneqarpoq meeqqat angerlarsimaffiup avataanut inissinneqarnissaat pinaveersaartinneqassasoq aamma meeqqat angerlarsimaffiup avataani inissinneqarsimasut angerlartinneqarnissaat.

Kommunitsinnut pingaaruteqarpoq kommunalbestyrelsip periusissiatut akuerisaata iluatsinnissaa aamma taanna malillugu ingerlatsisoqassasoq/aqutsisoqassasoq, aamma ilaqutariinnut sullissiviit 2-usut ingerlanneqarnerat ineriartortinneqarnerallu eqqarsaatigineqassasoq. Inatsisitigut kommunit pisinnaatitaanerat Naalakkersuisunit annikillisinneqarpoq, Qeqqata Kommuniata tamanna naammaginnigilluinnarpaa. Naak 2009-mi paasineqaraluartoq Danmarkimi Kalaallillu Nunaanni aalajanggiisartut akornanni peqqinnissaqarfik/Allorfik aamma isumaginninnermi ingerlatsiviit aamma ilaqutariinnut sullissiviit eqqarsaatigalugit suleqatigiinneq naammaginnartinneqanngitsaq.

Isummerneq naammagintinningsaq ilanngunneqarsimavoq, tamanna takuneqarsimasinnaasariaqaralarpoq.

Tassunga atatillugu ilissinnut eqqaasitsissutiginiarpara kommunerujussuit pilersinneqarneranni kommunit neriorsorneqarmata marloriaammik ingerlatsineq qimanneqassasoq, allaffissornikkut sipaartoqassasoq aamma ukiut ingerlaneranni kommunit annertunerusumik akisussaaffeqalissasut.

"Danmarkip aamma Kalaallit Nunaata akornanni suleqatigiinnerup" inatsisip allanngortinniarnarata tunngaviginiarneqarneranut suna peqqutaarpiarpa? Apeqquserneqartariaqarpoq ilumut imaannersoq danskit ilaqtariinnut sullissivinnut kommunit akisussaasuujunnaasasut anguniaraat? Uagut kommuninit maluginiarparput isumaginninnermut aqutsisoqarfiup kommunit avaqqullugit ilaqtariinnut sullissiviit aqunniarai, pingaartumik ukiumi kingullermi kommunit maluginiarpaat isumaginninnermut aqutsisoqarfiup kommunit avaqqullugit ilaqtariinnut sullissiviit attaveqarfigisaraat aqullugillu. Kommunit tamanna naleqqutinngitsutut isigaat uparuarlugulu, tamannami isigineqarpoq kommunip akisussaananeranut ataqqinninnginnertut.

Inatsisit allanngortinnerini ileqquvoq pitsaanerusumik ingerlatsinissaq anguniassallugu, Qeqqata Kommuniata paaserusuppaa ilaqtariinnut sullissivinni suna naammaginngitsutut isigineqarnerasoq?

Naalakkersusisoqarfiup / isumaginninnermut aqutsisoqarfiup ilaqtariinnut sullissiviit aqunneqarnissaannut tigusiniarnerat pitsaanngitsumik aqutsisoqarneranik tunngavilersortariaqarpoq, tamatuma itisilerneqarnissaa kissaatigaarput.

Tusarniaanerup aappaa eqqarsaatigalugu maluginiarparput isumaginninnermik aqutsisoqarfiup meeqqat angerlarsimaffiup avataanut inissinniakkavut tigujumangikkai, aamma akisussaaffik kommuninut tunniunneqassasoq.”

Akissut: Oqaaseqaat tusaatissatut tiguneqarpoq, kisianni inatsisissamut siunnersuummi allanguisoqarnissaanik kinguneqassannigilaq.